





RB.66277



**Library  
of the  
University of Toronto**





# GEOGRAPHIE

oder

Beschreibung der Länder der Erde.



STÖLPEN


BUCHDRUCKEREI VON GUSTAV WINTER.

1880.

# GEOGRAFI

ubvalo


Nunaksûb nunangita okautigijauningit.



STOLPENEME

G. WINTERIB NENILAUKTANGIT

1880.



Digitized by the Internet Archive  
in 2022 with funding from  
University of Toronto




# REGISTER

ubvalo: Aglait kaujititsijut, okautigijut aglangne tamak-  
konane, Paragrane ingmigòlingajune nelline ken-  
neraksaumangatta.

## §§

|     |   |    |
|-----|---|----|
| 1.  | Nunaksoapta kannok illusekarninga, kaiviningalo . . .                           | 1  |
| 2.  | Sekkinek, takkek, uvloritsallo . . . . .  | 2  |
| 3.  | Nunaksub aviktauninga Gradinut . . . . .  | 4  |
| 4.  | Kilaub Gradingit . . . . .  | 4  |
| 5.  | Uvlotusinerub uvlokiglinerublo pitjutingak . . . . .                            | 5  |
| 6.  | Immarlo, nunalo, imarbit, nunallo illuilersusuit ingmigò-<br>lingajut . . . . . | 6  |
| 7.  | Immek. Kòt. Tatsillo . . . . .  | 8  |
| 8.  | Perortut. Omajut . . . . .  | 9  |
| 9.  | Innuk . . . . .   | 9  |
| 10. | Illusek Gude kivgartorlugo. (Religion.) . . . . .                               | 11 |
| 11. | Innuitt attaniovioningit . . . . .  | 12 |
| 12. | Illuilersoak. (= Kontinent) kitterdlek, ubvalo: sillaksoa-<br>tokak . . . . .   | 13 |
| 13. | Asia . . . . .  | 13 |
| 14. | Asiab illua . . . . .   | 14 |
| 15. | Sibiria . . . . .   | 15 |
| 16. | Turan, ubvalo Turkestan, Iran . . . . .   | 16 |
| 17. | Armènia . . . . .   | 17 |
| 18. | Kikkertaujaksoak Asiarsuk . . . . .   | 18 |
| 19. | Siria. Palestina, ubvalo Kanaan . . . . .                                       | 19 |
| 20. | Kikkertaujaksoak Arabia . . . . .   | 22 |
| 21. | India . . . . .   | 24 |
| 22. | Attaniovik China . . . . .  | 26 |
| 23. | Attaniovik Japan . . . . .  | 27 |
| 24. | Afrika . . . . .  | 28 |

|     |  |    |
|-----|--|----|
| 25. | Nunat Saharab sekkernganêtot . . . . , . . . .                                       | 30 |
| 26. | Sênegambia . . . . .   | 31 |
| 27. | Guinea . . . . .   | 31 |
| 28. | Afrikab nunangita sekkinerdingit. Uivaksoangita nunangit. (Capelands) . . . . .      | 32 |
| 29. | Kikkertat Afrikamut illingajut . . . . .   | 33 |
| 30. | Amêrika. Ubvalo illuilersoak (=Kontinent) kangillek . .                              | 35 |
| 31. | Amêrika sekkinerdek . . . . .  | 36 |
| 32. | Amêrika ketterdek, Westindialo . . . . .   | 39 |
| 33. | Amêrika tachardlek. Kakkaksoangit, Kôksoangit. Tersersoangit . . . . .               | 41 |
| 34. | Amêrikab tachardliub nunangit. Republikangit . . .                                   | 42 |
| 35. | Nunakakattigêt illagêktisimajut Amêrikame tachardlerme.                              | 43 |
| 36. | Amêrikab nunangit tachardlit, Englisinut illingajut. .                               | 46 |
| 37. | Australia . . . . .  | 49 |
| 38. | Europa . . . . .   | 53 |
| 39. | Europab kikkertaujaksoangit, attavingalo Asiamut . .                                 | 54 |
| 40. | Kikkertaujaksoak Italia . . . . .  | 57 |
| 41. | Balkânit kikkertaujaksoangat. Tirkit Grichillo kikkertaujaksoangat . . . . .         | 58 |
| 42. | Europab kerka . . . . .  | 60 |
| 43. | Fransia. Fransit nunangat (Frankreich.) . . . . .                                    | 62 |
| 44. | Britaniavaksoak. (England, Scotland.) Irlandelo . . . .                              | 64 |
| 45. | Skandinavia. Sweden. Norvegia . . . . .  | 66 |
| 46. | Europa killek. Poland, Prussia. Russia . . . . .                                     | 68 |
| 47. | Germânia. (Deutschland.) . . . . .   | 71 |
| 48. | Attaniovik Germânia . . . . .  | 73 |
| 49. | Germâniab nunangit . . . . .   | 75 |
| 50. | Nunat Saksônia Thûringialo . . . . .   | 77 |
| 51. | Germâniab nunangit tachardlit kangianeonersallo . .                                  | 78 |
| 52. | Germâniab nunangit sekkinerdlit . . . . .  | 79 |
| 53. | Attaniovik Austria . . . . .   | 80 |
| 54. | Nunat Germâniab sillalingit. Suisse. Belgia. Holland. Luksemburg. Dênemark . . . . . | 81 |





## Aglait sivorlêjut

okautigijaujunik aglangne tamakkonane.

Nunaksoapta illinganinga, tâpsomalo nunangita illinganingit, okautigijaujut aglangne tamakkonane, tataminiarutiksatuinaungilat, opigosujutiksauvulle Gûdemik pingortitsijomik, taimailingatitsijomiglo, aulatsijomiglo, pairsijomiglo tamakkoninga tamainik.

Nunaksoavut Gûdib pingortitangita akkorngane, sekkerngub uvloritsallo unuktovaksuit senniane, pijariakitotut illingagalloak; tâpsomale illinganinga, nunangitalo illinganingit, perkutingillo tukkisivalliaguptigik, kammagivalliaguptigiglo, kipliktaumavluta Davide illagilugo nipliarpogut: Nalegak pinniarnitit angijovaksôvut illâ! issumatillo ittijovaksôvlutik! Imgerut 103, 22.

Malliktut kammagijaksaukârput:

Mailit taijaukattartut aglangne tamakkonane, Maileôvut imarbiksiortune attortut. Grade, sennimuartok attausek (§ 3) Mailekarpok 60 ginik taimaitunik. Maile taimaitok sivitutigijôvok Jârdititut  $2025\frac{1}{4}$  lotitut (ubvalo nellautsijomaringmik sivituninga tailugo: Zollititut  $72,909\frac{72}{100}$  ittitut, Jârd, Birdib sennalauktanga kakkorlermit, Jâreme 1760 me malliklugo). Maile taimaitok nâjauvok pissutuinartomut tuavimarilugane Stundib koppangane. Germânit Mailingit sivitunersauvut imarbiksiortut Mailinginit. Tâpkoa (imarbiksiortut), Mailingit sittamat Germânine Maileovut attautsemik. Imarbiksiortune Grade Mailekarpok 60 ginik, Germâninele 15 nik. Maile taimaitok Stundine maggungne nâjauvok pissutuinarlune tuavilugane.



Nellunaikutak □ tukkekarpok: „iktokêgiktok“, sorlo: „Mailititut □ 20 gittitut“, imaipok: Mailititut iktokêgiktutitut 20 gittitut. Nellunaikutak ‘, tukkekarpok: ittigaktut, ubvalo ittigaktitut. Tâp-konangat pingasut Jârdeôvut attautsemik, Zollit 12 it ittigaktut attautsetut — imatta.

Imarbiiksiortune okausek „pâne“ tukkekarpok „âvane“ okau-serlo „âne“ tukkekarpok „attane“. Taimak nunangoat tamaita sennajaumagivut, nunab tachâ kollanêpok, sekkernga attânetillugo; kangia, sangane nangertûb/ saumianêpok, kittalo tallerplane. Aglangne tamakkonane „pâne“ taijauvok: „nunab kangia“; sekkerngub nippiviatta nellanêtok, uvlub unuablo sivitunikita adsigêvigingne, Merzeme 21 me. Septemberemelo 21 me. Nunab kitâ taijautillugo: „kitanelonêt, unanelonêt“; sekkerngub nuilerviatta nellanêtok, uvlublo unuablo adsigêvigingne. Sekkernga tachâlo, kangia (pânelonet) kittalo, (unanelonêt) aglangne tamakkonane attortauvut, sorlo attortauvangmatta, innungnut Labradoremetunut.

Aglait tamakkoa sorrutsinut illiniartunut illingaluartogalloat, tussunadlarporle, innumaringnuttauk kuviagijaukovlugit, saimanar-kovlugillo.

*Hoffenthal*, Maieme 1878 me.

A. F. Elsner.



# Ingmigolingajut I.

## § 1.

### Nunaksoapta kannok illusekarninga kaiviningalo.

Nunaksoavut angmalokitauvok, sâtungilarle, sorlo sivorlivut issumakalaungmættatut, illulersoangôvorle. Stundine 24 ine kaivipok ingminut attausiardlune. Uvlune 365 gine sekkinermik kaivallaivok attausiardlune. Nunaksub kaivininganut ingminut, uvlok unuarlo pijokartitauvûk, kaivallaininganullo sekkinermik, nelliunerit, operngak, aujak, okkiak, okkiorlo pijokartitauvut; pilluartomik kaivivinga nunab kerkâgut illingamarilungimæt, angmuângangmælle igloane, uvertsomijarmallo igloane. Tamattomunga Pôle tachardlek aujarme kongmuartitaumagalaklune sekkinermut manniminersauvok, uvlotôvok tagva tachardline, Pôlelo sekkinerdlæk okkiome kongmuartitaumagalangimæt, sekkinermut manniminersauvlune, taikanemiune aujaulunelo uvlotôvok.

Nunaksûb issûgik ittivigêk, sekkinerdlæk tachardlerlo Pôlinik taijauvûk, Pôlemik tachardlermik, Polemiglo sekkinerdlermik. Pôlingne tamangne, nunaksûb illulektut illinganinga sâpatângagalakpok. Nunaksoarle angmalokitaumarilunginivok, takkijungôgalakporle. Illuliôngmæt, nuname attikangilak, kollekaranelo. Kolligijavut unuangotillugo, allerivavut uvlôtillugo. Nakillonêt aulartokarajarpæt, ingergarlune, tagvungatsainak torârlune, aularvigilauktaminut utterajarpok.

## § 2.

**Sekkinek, takkek, uvloritsæлло.**

1. Sekkinek kongmuarkorpôk unangat, uvlâmit ketteralek tikkilugo, akkarkôrporlo unnuk tikkilugo, nippikôrlunelo pâne, kangiptingne. Sekkinerle nûtsuitôvok ingminut kaivigalloarmilune uvlune 25 gine Stundinelo 14 ine attausiardlune; nuininga nippiningalo pijokartitauvok nunaksûb kaivininganut ingminut. Sekkerngub kanningminga nunamit Mailititut 80,000,000 ittitut-ipok, (Maile attausek Jârdekarlune 2025 ginik. Mailit 60 git taimaitut, Gradeôvut uttautsemik senni-muatomik (§ 3). = Ein Breitengrad.)

2. Sekkinek angijomik anginersauvok nunaksoaptingnit, nunaksoaliangônajarpæt aviktaulune, nunaksuit tagvangat pijut 1,400,000 ônajarput.

3. Takkek, nunaksûb illagijingæt (nuna) kaivivigiva uvlune 29 gine. Mikkinersauvok nunaksoarmit 50 ertorlune, Mailititulo 200,000 tititut kanningitigijôvok tapsomangat. Ingergarajarupta kaut tamât Mailinik 40 ginik, Jârit 15 ingane takkek tikkinajarpavut; sekkinermut ingergariakarajartilluta Jârit 5763 git nâvlugit. Takkiub igluinanga tækkovavut, illanelo illainanga, illânelo nippamarikpok, uvaptingnut sângasimaningat sekkinermut malliklugo. Takkek ingminit kaumalungilak, kaumanine sekkinermit piva, sorlotauk nuna. Takkek sekkerngub nunaksûblo akkorngângnêpæt, sekkinerme tâktitaumanekarpok nunamiunut; nunale sekkerngub takkiublo akkorngângnut pikpæt, tâktitaunekarpok takkerme. Takkerme kakaksoakarpok unuktunik, pôktunersæniglo nunamêtunit, immekarpalungilarle, annerterivikaranelo, (Atmosfêrenik) nunaksûb pekarningatut.

4. Uvloritsæt pingasôlivlugit aviktauvakput. Nutsuitut. Ingergajullo apkotingit nellonartinagit, (Planê-



tit.) Ingergajullo, assimik apkotigijanginik sennerkeakat-tartillugit. (Komêtit.)

a. Nutsuitut uvloriangovallaivut sekkiniptitut. Unuk-tovaksôvlutik sakkijârêrput ijetuinarnut, kerngutittigulle ananâktigut, kakkoânganît, táktôjârtullo unnuæne nip-tâjune tækkuksaujut, sakkijârivut uvloriangênaulutik. Kanningitovaksôvulle. Kanninerpângat, SiriuSEMik at-telik, 400,000 ertorlune kanninginersauvok sekkinnermit. Kukkiutsûb illulinga, kukkerutainarnime sukkalininga attortsainarlugo ingergarajarpok Jârit 25 navlugit, sekkinek tikkikârnago. SiriuSEMulle ingergariakarajarpok, Jârit 10 Millionit navlugit. Tapsomangat kanningid-larluarlut kanninginingat, issumanangilarlonêt, innung-mut tokkojuksaujomut. Uvloriaet nûtsuitut unurningit 1000 deônerartauvut, ijetuinarnut tækkuksaujut, 5000 dillo kerngutekut kemmergojaujungnartut.

b. Planêtit, uvloriaet ingergajut apkotigijangit nello-nartinagit. Tapkonunga nunaksoavut illingavok. Illu-natik ingergarput sekkinek kaividlugo, nunaksoaptitut Anginingit 8 teôvut; attingit kanninginingit sekkinner-mit malliklugit imaiput:

1. Merkur.
2. Venus, (kausiut, unnuksiullo.)
3. Nuna, takkelik attautsemik.
4. Mars.
5. Jupiter, Planête anginerpâk, takkelik 4 nik,
6. Saturn, niakôtelik pingasunik takkeniglo 7 nik.
7. Uranus, takkelik 6 inik, ununersæniglonêt.
8. Neptûn, takkelik attauseungitomik.

Marsiblo Jupiteriblo akkorngangne Planêtekarpok mikkijunik 150 ginit unnersænik. Tâpkoatauk illunatik ingergavut, ingminut kaivilutik, sekkinnerlo kaividlugo. Takkingillo Planetekotitik kaivivigikattarlugo, tâmna illagilugo sekkinek kaivivigivât.

c. Komêtit nellonarnerpauvut. Planêtit apkotinginik sennerkokattarput, sekkinnermullo kanniktomariôvut il-lâne. Komêteme ingmigolingatitauvut: timinga, ullinga

táktôjártok, pammiungoangalo sekkinermik tunnungat-sainartok.

### § 3.

## Nunaksûb aviktauninga Gradinut.

Pôlik (§ 1) akkorngangne, nunaksûb kerkagulu-assiak sillatâgut, issumagijaujokarpok tittarmik Ekuâtoremik taijaujomik. Tâpsoma nunaksoak avikpâ sorlo maggolivlugo. Abvagik taijauvuk illulersûb (nunaksûb) abvagingnik: abvanganik sekkinerdlermik, abvanganiglo tachardlermik. Ekuâtoremit Pôlemut tittæt 90 git, Ekuâtoretut senninuartut issumagijauvut, aviktitsijut abvakungnik tapkoninga Gradinut 90 ginut. Tittæt tapkoa Gradinik sennimuartunik taijauvut. Ama titænik issumagijaujokarivok Ekuatoremik avitsijunik, ingmigôlingajunut 360 ginut, Pôlingne aktoartigêktunik. Tapkoa Grâdinik tukkimuartaunik taijauvut. Grâdit tapkoa nellunaikutauvut, kaujimajutaularmiglo, iglugasaksuillonêt, kôglonêt, kakkarlonêt, sunalonêllo nuna-mêtok, nanêmangât. Grâdit tâpkoa pitjutauvut, tækkorng-artamariub aivigijomajane nagvarungnarmago, tamakkoninga illiniartuarune.

### § 4.

## Kilaub Gradingit.

Sorlo nunaksoarmik illisimajut Grâdinik (tittænik tailauktaptingnik § 3 me,) pijariakarmætta, nanênermik kaujijomagunik, taimaktauk uvloritsænik illisimajut Grâdekariakarivut, avitsijunik kilangmik, tukkimullo sennimullo. Kerka, (ubvalo innub nelliaeta kolliluassiang,) Zenitemik taijauvok. Nunaksûb Pôlekita kolliluassigik kilaub Pôligingnik taijauvuk. Tapkoa aula-juitillugik, kilak uvloriaktalik kaivekôrpok, (nuna kis-



sime kaivitillugo ingminut). Kilaub Pôlinga tachardlæk kissiæt uvaptingnut Labradoreminnut tækkuksauvok. Tagvane tuktujûb (des grossen Bären) kannitangane, kitânegialârsuk, kilaub kerkane sorlo, uvloriakarpok nellunaikutautsiartomik; nûkôngimaringmæt. Kilaub Pôlekita akkorngane, kilaub kerkagulluassiak, ama nunab kollâgut, titarmik issumagijaujokarpok, Ekuatoremiktauk taijaujomik nunamêtotut. (§ 3). Ekuatoremit (kilangmêtomit nunamêtomillo) Gradinik 23 ginik koppamiglo ôktorlune avunga, tittarmik, Ekuatoremik malliktomik issumagijaujokarpok, utteriarvingmik putjutinit taijaujomik. (Uvloriat illangit, kannitarêt tagvanêtot, putjutinik taijauvut.) Taimak kanningitigijomik ôktormilune aunga, tittarmik issumagijaujokarivok, taijaujomik utteriarvingmik angusalungmit. (Ama uvloriænit taimak taijaujunit.) Tittâk tapkoa akkorngângne, sekkinnek kaut tamât nugialârsukkôrpok, uvlokiglininingane aunga, uvlotusininganelo avunga, nuna kissime nûgalloartillugo. Avanêsingnerpaukpæt illulersûb koppangane tachardlerme uvlok takkinerpâk nelliutivok, (Juni 21 me) sekkinerdlерmele nainerpâk. Sekkinnek utteriarvik angusalungme tikkiguniuk, Decembereme 21 me, illulersûb koppangane sekkinerdlерme uvlok takkinerpâk nelliutivok, tachardlermiunele nainerpâk. Ama Grâdinik 23 ginik koppamiglo ôktormilune Pôlingnit Ekuâtor torarlugo, kausuivik illumagijauvûk. (Kausuivîngnik taijauvut nunæt âvane ânelo, Jârib illangane kauvîôngitut, uvlokaralloartillugit takkijunik, Jârib koppangæta aipangane.)

## § 5.

### Uvlotusinerub uvlokiglinerublo pitjutingak.

Tamattomunga tukkisititauvogut, nunakarvît pingasut illinganinik, kiækarvît, namatuinarvît, itjekarvîlo pivlugit. Nunæt, tittæt, taijaulauktut § 4 me ak-

korngangnêttut Zônemik (Erdgürtel) taijauvut. Tagvangat sakkijarpok Zônekarmat pingasunik:

1. Nunat sekerngub uttervigik akkorngangnêttut, **Zônemik onartomik** taijauvut. Ekuâtorib nellâne, uvlublo unuablo sivitunigik adsigêtsainarpuk, sekerngublo uttervigik tikkilugik, adsigênginek uvlok takkinerpak nainerpârlo pivlugik mikkidlarpok. Tagvane aujaînauvok, akkunîkasak sillalugvekartuinarlune.

2. Tagvangat kausuivik kiglilervigik tikkilugik, namatuinarviôvok. **Zône namatuinartok.** Tâpsoma angininga ketterudsituinangilak nunaksoarmik. Sekkinerdlermelo tachardlermelo, uvlub unuablo sivitunigik adsigêtuinarpuk, Merzeme 21 me, Septemberemelo 21 me. Sekkinerdlerne uvlotusilerpæt, uvlokiglilerpok tachardlerme, uvlotusilerpælo tachardlerme, uvlokiglilerpok sekkinerdlerne. Sekkerngub uttervikita kanitagingne, adsigênginek mikkidlarpok. Tamangne pekarpok operngâmik, aujarmik, okkiarmik, okkiomiglo. Sekkerngub uttervinga kaglivalliavlugo, aujakortusivalliavok, kausuivik kaglivalliavlugo, okkiokortusivalliagivok.

3. Kausuivik kiglilervigingnit, Pôlik tikkilugik itjeldlarpok. Tagvanêpok **Zône keujarnartok.** Wochit ikikitutuinaît nâvlugit aujakarpok tagvane, operngâk okkiarlo mallungnatsiartinnagit. Pôlingneluassiak tamangne, unnuakarpok takkit 6 it nâvlugit, uvlokarlarlarmelo takkit 6 it nâvlugit.

## § 6.

### Immarlo Nunalo.

Nunaksub kânga immaularmelo nunauvok. Inmak tækkuksauvok imarbiôlune, tessiolunelo, kôngôlarmelo. Nunaksoak pingasôlivlugo, pingasôlimajugik magguk immauvuk, attausênarlo nunauvok. Illulersub (nunak-sûb) koppangane tachardlerme nunakarnerpauvok, sekkinerdlerne immak anginerpautillugo. Nunat illangine sikjak illangertauvok imarbingmut, illanginele imarbingmit illakartitauvok, angijomiungitorle.



Attausênarmik imarbiksoakaralloarpok, imarbît il-lunatik attajigêngmætta, ikkerasatigullonêt illagêkti-taungmætta. Illânelo imarbiub tapsomatsainaub sek-kernga, attekarpok assianik tachânit.

Nunat attalungilæt imarbiktut, kikkertalle issuma-ginagit nunaksoakarpok illuitunik pingasunik, Kontinen-tinik, imaipok: illuilersoænik, taijaujunik. 1. Illuiler-soak kitterdlek, illulersub (nunaksûb) abvanganêpok kittidlerme. 2. Illuilersoak kangerdlek, illulersûb ab-vanganêpok kangidlerme. 3. Illuilersoak mikkinerpâk, Australia, (Neuholland) sekkinerdlerpauvok mâнна.

4. Illuilersoakarassugijauvok sulle sittamangænik, Pôleme sekkinerdlerme.

Illuilersoak kittêrdlek pingasolivlugo aviktauvok, taijaulunelo: Europamik, Asiamik, Afrikamiglo. Illuiler-soak kangidlæk Amerikauvok. Australia illuilersoang-ôvok ingmigut, kikkertatalik unnuktunik.

Sorlo nunaksoak tellimaulivlugo aviktaungmæt: Europa, Asia, Afrika, Amerika, Australialo, taimaktauk imarbiksoak tellimaulivlugo, imarbît tellimæt ingmigut taijauvakivut:

1. Imarbingmik sikkoliênarmik tachardlermik, Eu-ropab, Asiab, Afrikablo tachâne, Pôlib tachardliub kannitangane. Attavok imarbiksoamaringmut: kangiane Bêringsstreetekut, ikkerasakut Asiab Afrikablo akkorng-auêtokut, âne angmarpok imarbiptingnut attelingmut:

2. Imarbingmik Atlantiamik. Tâpsoma Amerika avikpâ Europamit Afrikamillo, attavorlo imarbingnut sikkoliênângnut tamangnut, tachardlermullo sekkiner-dlermullo, ânelo Indiab imarbinganut. Sekkernga taijau-givok Etiopiamiut imarbinganik.

- a) Germaniab imarbinga attavikarpok imarbingmut Atlantiamut ikkerasaksoarmik Englandib Franziblo akkorngangnêtomik Britaniablo tachâgut.
- b) Imarbiglo Baltia, ikkerasakarpok Germaniab imar-binganut illingajunik, Prussiab Dænemarkiblo ak-korngangnêtunik.

3. Indiab imarbinganik. Afrikab, Asiab, Australiablo akkornganêtok.

4. Imarbingnik angijomik, ubvalo ikubliatsainartomik. (Magelhaenib, nagvartainartub tâpsominga, ikubliatsainartomik taiva, taipsomaneluassiak taimailaungmæt akkunîkassak, kingorngane tukkisijaulaupok, akkunarviôjungnarmættauks tatamnadlartomik.) Taijaugivoktauks imarbingmik sekkinerdlermik. Asiab Amerikablo akkornganêpok, anginerpauvorlo tamainit.

5. Imarbingmik sikkoliênarmik sekkinerdlermik, Pôlib sekkinerdlieb kannitangane.

Imarbiub ittinga anginerpâk, mânna tikkilugo nagvartaujok, issaktekarpok 7167 ginik.

Imarbiub erkane kakakarpok naksakalarmelo sorlo nuname pekarmætut. Kakkæt tâpkoa nuitâkpætta, kikkertanik taijauvut; kângit serlæk nuitangipætta, ikkarunik taijauvut. Kakkæt tâpkoa annitujôkpætta, kângittigut immakartuinartillugo „ikkarojânik“ taijauvut.

## § 7.

### Immek. Kôt. Tætsillo.

Immermik nunamit sakkijârtitsivît puailavingnik taijauvut. Immerle illutsine malliklugo innilangajungnangilak, akkarvigijungnartaminut ittinerpaujomut (—tagva imarbingmut —) tikkerkarane. Apkotimine tagvunga, illaksarsikattarpok. Taimak illagêksimajut kôngmik taijauvut. Kôgvingit imarbingmut pânginik taijauvut. Kôt illâne kakkat akkorngæne, naternanelo tæssiôlerput immilingnik. Tæssernik taimaitunik pekarivok tarriolingnik; tapkonangat immak, (tæssersoarlônêt) Kaspia, Europab Asiablo akkorngangnêtok, anginerpauvok, Mailititut □ 28,000 tititut angitigijolune.

Immek immarlo nunametok, illûnane kikkajuidlune ingergatsainarpok. Imarbik kôksoænik unnuktunik kôgviôjok, tætenersauvalliangilak; immangæt illanga pujôlune kongmuatsainarmæt. Pujok tâmna, nuvujarôr-



kârlune, kattækivok nunamut, mitsuksoangôlunelonêt, sillalungôlunelonêt, apputeôlunelonêt.

## § 8.

**Perortut Omajut.**

Napârtut, perortullo illunatik nunamêtot, perorutekarput immernik tamattominga, igergatsainartomik. (§ 7.) Ingminik aulajungnangilæt, ingminigle milluksijungnarput perorutiksamingnik nunamit. Ovane taijautuinarle, perortut illunatik, perorloringnerpaungmætta Ekuatorib kannitangane. Pôlik kaglivalliavlugik, avungalo aungalo, perortut aklunersauvalliavut, perortokarungnærmarikârtinago Pôlik kannitagingne.

Omajut pingortitangôvut namanersænik illinganermingne, perortunit. Issumamingnik aulajungnarput, illunaita inniksanginik pekartitauvut nuname, Ekuatoremit Pôlik tikkilugik, attunît illutsitik malliklugit. Omajokutaujut iglune kissimik naipitauvut, nunane sunatuinartune, nunagitsainangitangine ingergainak.

## § 9.

**I n n u k.**

Pingortitak namanerpâk, nunamêtunit tamainit innôvok. Nunane tamaine innojungnarpok, kiælingne itjelingnelo, Ekuatoremit Pôlik tikkilugik. Nerkiksanullo sunatuinarnut, kiglinganit sungiusimangitaminut sungiutijariakartuinarpok. Okausekarungnarnarle piginersarivâ, pingortisimajunit tamainit nunamêtunit. Innuk tarnekarpok ikpigijungnartomik, erkau-majungnartomiglo. Illingatitaunerminullo (Naturtrieb) aulatauinangilak omajutitut. Ingminik kaujimanekarpok, issumagijaminiglo pinniarungnarpok sillatunekartitaumavok, ubvalo, sorlo tamanna okautsinut ikkitunut okauserijaujungnarmæt: „annernekartitaumavok tokko-juitomik, pingortitime adsinganik“. Annernermigut ta-

mattomûna, innuk angajokauvok nunamut, pingortitau-makattiminullo nunamêtunut, illingavorlo nunab tamat-toma assianut, namanersamut, nungujomângitomullo.

Innuit nunaksoarmêtut, tamaita kattilugit 1424 Millioneôvut: (Petermann's geographische Mittheilungen 1876.)

Europame: 309,178,300. Afrikame: 199,921,600. Amerikame: 85,519,800. Asiame: 824,548,500. Australiame: 4,748,600. Tâpkoa ingmigolingajunut (Rassenut) tellimanut, aviktauvakput.

1. Kaukasusemiut. Kakkortæt. (Kablunât.) Europame, Asiablo kangiane, Afrikablo tachâne, Amerika-liarsimajullo Europamit. Niakolît manniktut illuseling-mik, takkijungoarmik. Timingita illinganingit, illusitsia-ringnerpauvut. Pijokartune tamaine, sillaksoarme, piner-pauvut.

2. Mongôlit. Tapkonungalo illingajut Asiamiut tachardlît, ketterdlîllo, Chinêsit Japanêsillo, innuillo tacharmiut Eskimôt.

Niakolit koakjutongônersanik, ulloab sauninginik nuitânersanik, ijiniglo ammitunik nappajoângajûgnik.

3. Etiopiamiut, kernertæt. Afrikamiut, kerkane sek-kernganelo.

4. Amerikaimut, Adlæt, aupalângajut, kannujaktut tautulît. Kênalît ammitunik, erksalîllo illumuarsimagalaktunik.

5. Malaiit, kernângajut. Malakamiut, kikkertarmiullo kikkertæne Australiamut illingajune. Niakungit pôktuyut, senneragingne illumuarsimavlutik, kingalît silliktunik, kannelîllo angijunik.

Timekutuinaungitok innuit nunaksoarmiut adsigêng-ilæt; illusingit, pinasuarningillo adsigêngidlarivut. Illangit innogutiksarsijutekarput omajoksiornermik, assingit mingeriarniarnermik, omajokutekarnermiglonêt, kakkô-jæksæninglonêt pêrorsênernermik, niuviaeksaliornermiglonêt, assinginiglonêt unuktunik.



§ 10.

**Illusek Gude kivgartorlugo. (Religiôn.)**

Innuk annernekarnerninut Gudemit pijomik, innôtsemut tamattomunga, nuname attortaminut illingati-taumatuinangimæt, kiglinganit kajusilarlaukpok, kaujijomavlune Gudemik, pijokartuniglo innôtsib tamattoma kingorngane. Ap. pin. 17, 26—28.

Innuït tamaita maggolivilugit, aipaingit unnunersæt, Gudekarnermik unnuktunik okperput, tâpkoningalo kivgartorput. Tagva nellojut, Gudingoænik kivgartortut 600 Millionenit unnunersauvut sulle. Aipaingit Gudemik attausênarmik okperput, kivgartorvikarpullo. Tâpkonunga illingavut:

A. Israelitit, (Jûdit,) kaujititaukârlauktut Gudib pijomajanganik, kaujititsininginigle ingmimik ernermigut, ajæktorlauktut. Siamarsimavut mânna nunaksoarme illunâne. 5 Millioneôkassakput sulle.

B. Kristusemiut. Okpertut anginerpâmik, Gudib sillaksoarmiut pinniarvigilaungmagit, pitsiarvigilaungmagillo Jesuse Kristusekut. Kristusemiunik taijaujut 350 Millioneôvut, akkunermingnele aviksimadlarput.

a. Katôlikit Rômiut unnunersauvut 200 Millionenit.

b. Katôlikit Grîchit 70 Millioneôvut.

c. Okautsinik tussarnertunik malligæksatuakaromavlutik kigligiudsijut, Protestantiniglo taijauvaktut, 70 Millioneôgivut, illagêngneârsunut unnuktunut aviksimadlarmilutik.

6. Mûamædekut, Muslimillonêt, Gudekarnermik attausênarmik okperivut, Kristuselo Profêteônassugigalloarivât, Mûamaedekulle pilloriktitauijomavut, Profêteônassugijangittigut anginerpângôjomik. Kattilugit 200 Millioneôgivut.

## § 11.

**Innuït attaniotiviôningit.**

Innugaseksuit tamakkoa, nunakakattigêngôlutik, aulatauvut perkojanut sunatuinarnut, tâpkonunga illingajunut, terliklutik innôkattigêgungnarkovlugit. Pitsartunek, perkojat tamakkoa attaniotijutigilugit, illingatitaukpat attautsemut, tagva nunakakattigêt attanniovingmik, ubvalo Monargîemik taijauvut. Tâpkonane attaniônek kingormgutijausôngovok attanniub erninganut angajuklermut, perkojalle attannek pivlugo adsigêngilat nunane adsigêngitune. Pitsartunerle, perkojat attaniotijutigilugit, attauseungitomut, innungnut annerijaujunut illingatitaukpat tagva nunakakattigêt tamakkoa Republikemik taijauvut. Nellojut nujuarnerpât kissimik, aulatsijokangilat, perkojanik attaniotijutekartunik.

---



# Ingmigôlingajut II ingit.

## Asia, Afrika, Amêrika, Australia.

### § 12.

#### Illuilersoak (-Kontinent) kitterdlek, ubvalo Sillaksoatokak.

Illuilersûb kitterdliub, (§ 6, 1.) illulersûb abvang-ata kitterdliub Zôninga ikublajok (§ 6, 1.) tachardlek nâmakassakpâ; 10 tuinangat Ekuatorib sekkernganêpok. Imarbiksuit illunatik, — sikkolik sekkinerdlek pingituinarlune, — sikjarivat. Tatamnarnerpauvorle tessiujaksoakpâk, imarbingmik akkuliujomik taijaujok. Kangianele ikkerasakarpok Gibraltarmik attelingmik, illagêktitsijomik imarbingmik Atlantiamik, imarbingmut akkuliujomut. Imarbik tâмна Europab, Asiab, Afrikablo kiglilervigivât, tapsomungalo ingmigôlingatitauvut. Pijokarnerit pijariakortunerpât, sillaksoakarninganit, pijokarlaukput imarbiub tâpsoma kannitangane. Iglugasaksuit malliktut taijaujariakartuinarput: Jerusaleml, Aleksandria, Atên, Rome, Kartâgo.

### § 13.

#### 1. Asia.

Nunaksûb abvanginit tellimanit, (§ 6, 3) Asia anginerpauvok, Mailekarlune □ 3,600,000 dinik. Afrikamit aviktauvoK attanermut Suezemik attelingmut. Euro-

pamut kiglilervekarpok avane: imarbiub sikkoliub tachardliub sikjanganik, kangianelo kakkaksoanik „Urâlenik“, Mailititut 1000 tititut sivitutigijunik, Silberemik kannujarmiglo nagvârviodlartunik. Tapkoa sekkerngane Kaspiab imanga (§ 7) kigliovok. Tessersoak tarriok tâмна, pâkarviovok kôksoanut sôngojunut, kôkangilarle takkuksaujomik tagvangat, akpasinersaudlarporlo imarbingmit akkuliujomit. Imarbik tâмна okautigijaujarêpok (§ 12.) Imarbingmut tâpsomunga Asiarsuk kikker-taujangotitaugivok. Asiarsungmit Europamut imakut apkutekarpok ikkerasakut Dardanellekut, (imab Marmarab pânga kangillek.) Imak Marmara, Asiarsûb Europablo akkorngangnêpok, pakarporlo Konstantinopelib ikkerasangagut imarbingmut kernertamut. Tagvangat, imak Kaspia likkilugo, kakkat Kaukasusenik attigit, kigliovut Asiab Europablo akkorngangne.

Asia nunauvok anginerpângojomik illuitovlune, nunaksoarmêtunit tamainit. Afrikamut sikjakinerpauvok. Tessiujâlulik imarbiojunik pingasunik: 1. Imarbingmik aupaluktamik, ubvalo: Arabiab kangerdluksoanganik. Tamna attavilik Indiab imarbinganut ikkerasamik Babel-Mandebemik. 2. Persiab kangerdluksoanganik, imarbingmut taijautainartomuttauk attavilingmik ikkerasamik Ormuseme. Nuna kangerdluksoâk tapkoa akkorngangnêtok, Arabiangovok. 3. Bengaliab kangerdluksoanganik Tâpsomunga India miklerdlek aviktauvok ungardlermit.

## § 14.

Asiab illua, ubvalo pôktuninga nunauvok manniktomik. Europamit aglât anginersaudlartok. Manniktub tâpsoma tachânêput kakkaksuit Daurit (kitterdlingit), Altait (-Goldigit) (kangerdlingit.) Sekkerngane kakkaksuit Himalaia (apputelit), kigliovut. Tapkonanêpuk kakkaksoâk pôktunerpâk nunaksoarme, Kinkin Junga, ittigaktitut 26,000 ittitut, Everestelo, ittigaktitut 27,000 ittitut pôktutigijolutik. Kitâne Chiname, imnaulune nâkattarpok, nunamelonêt, sikjaulunelonêt.



Asiab abvanga anginersak Zonemêpok nâmatuinarvingme, (§ 5, 2) illainanga, Sibîria tachardlek, Zoneme keujarnartome, (§ 5, 3). Kikkertaujaksoangita illangit Zonemêput ônartome; kikkertallo Asiamut illingjut illangit, Ekuatorib nellânêput, sekkernganelo. Kiæk itjelo, taimaimarilungilâk sorlo Afrikame, nuna-nelo tâpsoma assingine illingangmaniktut. Nunat pôktudlartut, imarbingmillo anordlerviongitullo, pitjutauvut, tachâne Sibîriame keujanarnersaungmat pijuksaukôrninganit, sekkinermit kanningininga malliklugo. Itsaksoarme nunat taipkoa ônarnersaukôrlaukput, omajoksuit, ullitornevaksub sivornganêlauktut sauningit, nagvârtaukattarmatta tuvaijuitome, Sibîriame. Aglait hailigit Asia, pilluartomik Himalajab kanniktakasanga, nunaunerarpât, nunakarviolauktomik, inungnik sivorlerpânik; attaniovîllo nutaunginerpât, aglangne hailigine taijaujut, Asiame kenneraksarivavut.

Asia innukarpok mâнна 824 Millionenit ununer-sanik Gudingoanik kivgartortut ununerpauvut, Muhamedekut unudlarivut. Kristusemiut ikkinerpauvut.

## § 15.

### Sibîria.

Nuna tâмна, Europamit anginersaujok, Russiamut illingavok, innukarporlo 2 Millionetuinarunik. Sekkernga nunauvok sivôranangitomik; nunalle, Gradit 55 ingata tachânêtit, immaksuênaukasalutiglo itjeliksodlarput. Illangane kôt Augustib nâlerningane sikkolerêrput, Julimelo kissiane tuvaêrivut. Nunat tapkoa ingergarviontuinarput omajoksiortunut, Samojedinut, Ostiakinut, Tungusinut, Jakutinullo, Russinut Jârine tamaine tunijariakartunut terrianianik, kabviaitsianik, pissuktit assinginiglo akkekangitomik. Idluitullijut Russiame unuktut, nutitauvut Sibîriamut, tagvane Silberesioriakarpullonêt kakkat ittersaelliorlugit, pissukteniartuksauvullonêt, Russit attaningata piginiartanginik.

Iglugasaksuit aulatsiviojut Sibîriamik kangillermik Tobolskemik attekarpuit, aulatsiviojullo killermik Irkutskemik. Iglugasaksuit Katarinenberg, Urâlit kakkanginêput, kangiane.

Kikkertaujaksoak Kamtsatka issuôvok Asiamit, kaninerpauvorlo Amêrikamut. Innungit akludlarput, ikiglivalliatsainarlutiglo. Umiakovitsiangane Peter-Paulowskime, Russit unarvikarput avaluksoalorsimajunik. Kamtsatkamit kikkertat kanitarêt maggoit, pigiarput; aipaingit Aleutinik taijauvaktut, tikkoarput Amêrikamut, aipaingillo Kurilnik taijauvaktut, tikkoarput Japanemut. Innungit innogutiksakarput omajoksiornermik mingerianiarnermiglo. Puije pijariakortunerpauvok tapkonunga, sorlotaug Kamtsatkamiumut tamainut.

## § 16.

### 1. Turan, ubvalo Turkestan.

Naternaksoak angijok tâmma, tachangane Sibîriamit ingmigolingatitauvok kakkaksoanut, ingmingnut attajunut. Nuna tâmma illûnane imarbiokôrlaukpok, tap-somangat amiakôvallaivut immak Kaspia, Arâliblo immanga, kêtatuinarmik tarriojok. Jârit 500 ingane, 600 ingænelo, Tirkut illangita nunaginassuarpât, sullelo mâmma tagvane nunakartut Tirkut illagivait, ingmigut attaniovikaralloarlutik attauseungitomik. Pijariakôrtuningit imaiput: a. Kôkand. b. Kîwa. c. Bukaria. d. Turkomanit nunangat, (unatarosuktut.) e. Kirgisiasia, attaniotiviokasaktok illanga Russinut, illangalo Chinêsinut.

### 2. Iran.

Nuna maniktok tâmma Mailititut □ 200,000 tititut angitigijôvok, ittigaktitullo 4000 tititut kogvasinersauvok imarbingmit. Sioranga angijok tarrionikpok, attavorlo sekkerngane Indiamut, kôksoakut Kabulekut, Indusemut pâkartokut. Unipkautsine hailigine Iran



pijariakortôvok, tagvane kenneraksarivavut attaniovîk Mèdia Persialo, Danielib aglangine, Esterablo aglangine okautigijaukattartok, anginerpangoningane tikkilauktok imarbingmit akkuliojomit Indiamut. Asserortaulaukpok Aleksanderemut, attanermut Macedoniam. Mâna attaniovît pingasut Iranemêtit tajaksauvut:

1. Afganistan, ubvalo Kabul, attaniovilik mikki-junik unuktokasangnik. Kabul iglugasaksoangojut aulatsiviovlutik, innukarput 60,000 tinik, nunatsiarik-tomêdlarput. Ama Kândahar, iglugasaksoangojut tâpkonane angijunik, 100,000 tinik innukartunik, taimaktauk Herat. Innôgutiksarsijutiksakarput niuviak-saliornermik niuverniermigo.

2. Beludsistan, ubvalo: Nuna Beludsia. Beludsiamiut illamingnik angajokârsukarput nâlektunik attanermik Kelatemêtomik, nâlengnek idluarigunitsuk.

3. Persia. (Iraneme kangiane.)

Attaniovingmut tamattomunga, nunab kogvasiktub, Armêniab illanga illingagivok. Angininga Mailititut □ 92,000 ititut-ipok. Tagvane innukarpok 12 Millionik, Muhamedemiojunik.

Iglugasaksuit Têheran aulatsiviovut mâna, sivorn-gane Ispahan aulatsiviolauput, sulle mânnâ innukartut 200,000 tinik.

Shiras Ispahanetut nuvogolatsianut unudlartunut ananaudlartunullo, Weineli-sanullo illumajauvûk, Paradiseojârlutik aglât.

## § 17.

## A r m ê n i a.

Nunanga kogvasiktok attavok Kaukasusint, Hindukuschemullo, nâvorlo Asiarsungme. Kerkanêkasakpok kakaksoak Ararat, aputekainartok. (1. Mos. 8, 4.) Ittigaktitut 16,000 tititut pôktutigijôvok. Kangiane, Erzerumib poktuningane nuna kogvasikpok ittigaktitut

6000 ititut. Tagvangat kôksoak Euftrat puailavikarlune pigiarpok.

Armeniamiut Kristusemiôvut, okpertôvut, Katôlikeolutik Griechinik, (§ 10, b.) Niuverteolutik ingergavut nunane illunaine. Turkomanit Kurdillo tagvane nunakarivut. Tâpkoale innogutiksarsijutekarput omajokutekarnermik, illangille arktainermik.

Pôktuniub illanga Persiamut illingavok, illangalo Russiamut. Tâmanêput iglugasaksuit Eriwan, Armenia-miullo ivsonaitovikotingat (Kloster,) Etsmiadsin. Pingajuak Tirkinut illingavok, tagva Ararat, iglugasaksuillo Erzerum, innulit 50,000 tinik.

## § 18.

### Kikkertaujaksoak Asiârsuk.

Mailititut □ 10,000 tititut angitigijok.

Kikkertaujaksoak Asiârsuk nunauvok kogvasiktomik, ittigaktitut 3000 tit 5000 tit tikkilugit poktutigijovlune. Mannikassakpok kângane, kakkalle illangit nânekarput tagvanga. Kakkakarivorle illanginik, angmalorikasaktunik. Tâpkoa akkorngane Arghi Dag poktunerpauvok 13,000'. Naksat ikkitutuinaut perorviotsiarput mânnâ, nunab poktuningit iviksukârsukartuinarpuit sittijunik, tassiniglo tarriojunik. Kôk angijok, tagvane puailavilik, imarbingmullo akkulliojomut kôktok, attekarpok Irmamik.

Nuna tâmna kiglinganit nunatsiangolaukpok perorviotsiartomik, Jârib 1400 dib kanniktangane tigujaukârtinago Tirkinut. Tâpkoa aulatsiningine sunakajuititauvallialaukpok. Atserarpât Anatolimik, imaipok: nuivingmêtomik.

1. Iglugasaksuit tagvanêtit, taijaksaujut imaiput, kerkakasangane: Kutahia, Siwas, Kônia, Tôkat, Angora. Illûnatik attunit 50,000 tinit innukarnersauvut.



2. Tachanganêtnit taivavut Trebisonde, innulik 100,000 tinik, Brussalo 50,000 tinik.

3. Kangiane Smirna, innulik 130,000 tinik; unuktut tâpkonangat kablunauvut, tagvane taijaujut Fransinik. Trôjab innigilauktanga, kanningitôngilak tagvangat, takkojartortaukattartok tujormijanut.

4. Sekkernganêtnit taivavut Tarsus, Ap. Paulusib innôlervigilauktanga.

Sekkerngane kangiane kikkertak Zipern, nunauvok nunanit tamainit ânanaunerpaukattaujomik. Angininga Mailititut □ 300 tittitun-ipok.

### Euftratib Tigrisiblo nunangak.

Kôksoak Euftrat, Fratelonêt, (1 Mos. 2, 14.) pigiarpok, (puailavikarpok,) Armêniab kogvasingningane, Tigrisetauk pigiarnekarpo kogvasingnerme taipsomane, kokpuglo nunatigut maniktutigut kakkaliktigullo, Tigrise sekkerngane, Euftrate kangiane. Issugingne illagêkpûk, kôngolulik attautsemik, taijaujomik Shad-el-Arabemik. Tamanêlaukput itsane Babilon, tækkuksâujungnaermariktut mânnâ. Nuna, kôk tâpkoa akkorngangnêtok Mesopotamiaovok.

### § 19.

### Siria. Palæstina, (ubvalo Kanaan).

Euftratib kangiane, sivituningata kerkanekasak, nuna, aglauteojok kakkortamik, pôktunersauvalliavok ittigaktitut 2000 tititut pôktutigijôlerlune; kangiane nuna tâmna aksangajâlarikpok. Tâpsoma kangiane ama nuna pôktusingmat, naksarmik, tukkimuartomik, sivitujomaringmik sakkijartitaujokarpok, kôksoalingmik maggungnik, Orontesemik, avunga kôktomik, Jordanemiglo, aunga kôktomik. Nunab tâpsoma abvanga tachardlek Siria-ovok, mânnâ Tirkinut illingajok. Siriamen naksak tâmna sillikpok,

perorviotsiarlarmelo, sinnagiglo kakaksoangovuk poktujunik, attautijunik. Sinna kangerdlek Libanoneovok, ittigaktitut 9000 tititut poktutigijok. Sinna killek Anti-libanoneovok. Siriamelo Palæstinamelo Kristusemiô-jokarpok sulle unnuktunik.

1. Nuna amitok imarbiksûb (akkulliojub) Libanoniblo kangiata akkornganguêtok, itsane Föniziamik attekalaupok. Iglugasaksoarilauktâgik songojôlauktûk Tirus Sidonelo, iglugasængovûk mânnâ pijariakitomaringnik. Pijariakortunersauvut Beirut, niuerviktalit unnuktunik, unartarviglo Akkon, sivorngane Ptolemaiseolauktut, tagvanênivut.

2. Libanon, (Zederingit okautigijauvakput,) innukarpok mânnâ Maronitinik, Kristusemiunik, Drusiniglo unatarosuktunik, Muhamedemuttauk okpertunik.

3. Orontesib pâkasangane Antakia, Antiochiatokak. (Ap. pin. 11, 26.) Mânnâ 10,000 tituinarnik innulit.

4. Iglugasaksuit pijariakortunerpât Siriame, nunab kogvasingninganêput, Haleb, Aleppolonêt niuervioluaretut, 100,000 tinik innulit. Damaskus, nunatsiamaringmêtit, innulit 200,000 tinik niuvernartunik, niuviæksaliortuniglo.

## P a l æ s t i n a ,

nunab okautigijapta poktuningata abvanga sekkinerdek. Sivorngane Kanaanemik, imaipok: nunamik angerutigijaujomik, taijaulaupok, Gudib angerutigilaungmago Israelitinut tunnijomavlugo. Mailititut □ 400 tititut angitigituinarpok; tagvanele pijokalauktut pitjutigallugit, nunanit tamainit pijariakortunerpauvok, Kristusemiunullo Judinullo.

Palæstina Tirkinut perkutigijauvok mânnâ. Kristusemiut, senningajolingmik nellunaikutakarlutik, sorsugutigikattarlaufpat, Tirkinut aksâromavlugo, piluatomik Jârine 1095 gemit 1270 tikkilugo, sullimari-



laungilalle, Tirkít pigivât sulle. Kakkat Libanon kiglivut tachâne, (Hermon ittigaktitut 9500 tititut pôktutigivok.) attavullo Antilibanonemut. Kakkaksuit tapkoa karmaksoatut kallerêktisimajut, nuna avangat ingmigôlingatipât. Kitânit ingmigôlingatitauvok sunakajuitoksoarmut angijomut; taimaitomut sekkerngane ama Egiptenemit aviktaugivok, kangianelo imarbiksoarmut, attausênarmik umiakovilingmut, Jaffamik (=Joppemik). Kokarpok angijomik attausênarmik, Jordanemik, nunab tukkiagut illûnâgut kôktok, Libanone mit puailavlune, annikitokasangmik kôklune sakkertit-sivok tessersoarmik Meromemik, iviksoatalingmik. Tagvangat kogiarlarmilune, sakkertipa tessersoak Genezarete, mingeriaktalitsiak. Tagvangat kôkpok imarmut tokkungajomut.

Immak tâмна Mailititut □ 120 gittitut angitigijôvok. Tâмна illinganermine illûnâne, taimaitotôvok nunaksoarme; immanga angijoksoarmik tarriogovok, pitaliovorlo kutsumik, orksurumiglo, akpasimanersauvorlo imarbiksoarmut ittigaktitut 1200 tititut. Tagvane kivisimalaukput Sodoma Gomorrало. 1 Mos. 19, 24. 25.) Nunat Jordanib kitanêtit pijariakikasakput uvaptingnut, kangianêtit ingmigôlingatitauvakput sulle, sorlo Kristusib nelliuningane avitaulaungmattatut.

A. Gallilêa, tachardlerpaujok, kakkarolârsuliovok tessersoak Genezaret tikkilago. Nunab kogvasininganêput: Nazaret, Kana, Nain. Sekkerngata kiglinganêpok kakkak Tâbor kangiane Karmel. Immab Genezaretib sikjangane kangillerme iglugasaksuit Tiberias Herodesib, Johannesemik niakoêrtaukojilauktub iglugasaksoaliorutaukolauktangit, nunatsiangomaringnerpâme, Tiberiasemiglo tailauktangit, attanersoarmut, taimak attelingmut kuviagijaujomagame. Kapernaumelo, taijauvalauktut Jesusib iglugasaksoakotinginik. Betsaidalo, Petrusib, Andreasib, Filippusiblo iglokarvigilauktangat.

B. Ane, Jesreelib naternangata sekkerngane malikpok Samaria. Ipsomane nunagijaulauktok Samaria-

miunut, Judinit nellojunillo illagêktisimajunut. Tâpkoa amiakokaluârsukput sulle Napluseme, ipsomane Sichemeolauktome, kakab hailigeogijangata, Garizimib pigiarningane (am Fusse). Tagvanêgivut Bêtel, Sîlolo.

C. Jûdêa sekkinerdlerpauvok. Ovanêpok Jerusalem. Imarbingmit kogvasiktok ittigaktitut 2500 tititut. Naksanut ittijunut illumajauvok unangat, ângat, pângallo, avunga kissiane nunanga morêpok. Kângane kakkârolakarpok illanginik, sorlo: Zion, Davidib igloksoakarvigilauktanga, Morîa, kattimaviksûb innigilauktanga, assinginiglo.

Jerusalem ipsomanetak, „iglut ullapirsautigit“ asserortauhavut mânnâ, „nellojunut tullerartaumavlutik.“ Innukarpok sulle 23,000 tinik, Muhamedekut ununerpauvut, aulatsivullo tagvane. Kristusemiut 4000 teolutik, kennuêrsârutautuinarput. Judille, 7100 teojut, illuvertaunermik tagvane nerriuktut, idluigijauluarput.


Betlehem, Mailit sittamat Jerusalemib sekkerngane, innukarput Kristusemiuînarnik, 4000 tinikasak. Kairo-sungniub, okautigijaujub „Jesusib innulervinganik“ kângagut igloliorsimajokarpok mânnâ kattimaviksoarmik ânanaudlartomik.

Iglugasaksoarnit Judêamêtunit taijæksauvut sulle Hebron, Jericholo.

Palæstina, innukalauktok Israelitit, nelliuningine 5 Millionenik, mânnâ serlek 500,000 tinik innukarpok, 10 olauktut amiakokarlutik attausênarmik sorlo.

## § 20.

### Kikkertaujaksoak Arabia.

Naksarmut, immarmit tokkungajomit aunga illingajomut, Arabiamaringmit aviktauajokarpok kikkertaujârsungmik, pingasunik terrekokartomik , sekkerngane sinnekartomik imarbiub aupaluktaub kangerdlugingnik. (Imarbik aupaluktak pakarpok Indiab imarbinganut



Adeneme, Arabiab sekkernganêto.) Tagvanêput kakksuit Sinaitagit. Kakkat taipkoa illangit ittigaktitut 7000 tititut, aglât 9000 tititut pôktutigijôvut. Grîchit (okpertut) tamâne ivsornaitovikarput (Klosteremik) poktunerme, imarbingmit ittigaktitut 5000 tititut poktutigijome. Kikkertaujaksoak Arabia Mailititut □ 50,000 tititut angitigijôvok. Kerka poktuneovok maniktovlune, illangane sunatakangitok, (perorviongilak.) Imarbingmut morêtsiarpok, illangane tumeralik sorlo. Sikjab nunangit manniktut ammiput. Kikkertaujaksoarme illûnâne kôkangilak kôtsainartomik. Arabiab perortungit omajungillo adsiudlarput Afrikamêtunut.

Ovangat Arabiamit, Muhamedib († 632) tapkoa illagêktipait okperijaksatuakartut imâk: „Gudekarpok attausênarmik, „Muhamedelo nellautaijokotigivâ“. Unnuktullo tamattominga okpertitaulaukput saviksoarmut, Arabiamit sorsulaungmatta illûnainut, taimaitomik okpernekaromangitunut. Tamattomungalo tikkilaukput Asiamullo Afrikamullo, tagvanelo mânnâ unuktokasait nunakarpot.

Arabiamit attanioviarsukarpullonêt attanelingnik illamingnik, Egiptenemiut attaningannullonêt illingavut.

Arabia inukarpok 4 Millionenik. Tapkoalo illusingit taimaitsainarput sulle, sorlo illingalaungmatta itsaksoarme. Omajokutekarnek Kamêlinik saukaniglo, innôgutigiluarpât. Perorsêvilerivulletâuk Kaffenik, annorâksaijaksanik, kakkojaksaniglo, piluartomigle paunganik Dattelinik. Illânele Egiptenemit nerkiksanik pissigiakarpot.

Iglugasaksoanginit taituinarpavut:

1. Kangiane Mekka, innulit 40,000 tinik, Muhamedib innûlervigilauktanga.

Medîna, Muhamedib illuvertauvinga.

2. Kangiæta sekkernga taijauvok Jemenemik, Arabiamik piloringuartomik akluitomik, piluartomik Wai-rauchemik, Kaffenik, paungatsianiglo perkutelik.

Umiakovik unatarviglo Aden Englisinut illingavok.

3. Attaniovik Muskat, iglugasaksoalik innulingnik 50,000 tinik, aulatsivingmingnik, Muskatemiktauk atse-raivut. Kenneraksauvok Arabiab kitâne, Persiab imarbingata kangiane.

## § 21.

### India.

India miklidlek kikkertaujaksoangogivok Mailititut □ 280,000 tititut angitigijok. Tachanêput karsuit Himalaianik attiggit, sekkerngane mallikput nunat atsiktut, kôksub Indusib senneragîngnêtit. Indusemut kôksuit sittamat pakarput. Nuna kôgvigijangat taijauvok Pendschabemik, imaipok: kôt 5 it nunangat. Kôksoak Ganges, hailigeonerartauvok, kôkporlo Himalaiat akkornganit. Indiab poktuningane kôt unuktut puailavikarput; kôngnermingne nanatigut, immilititsivut tapkoninga, perorviotsiarmariktunik. Omajungit unnuktôdlarivut, illangillo erksinarmarikput. Elefantillo, Tigerillo, Krokotillilo, kuglugitsallo tokkonartotagit unudlarput. Ujarailo pivianadlartut unuktut tagvane nagvârtauvut.

Kikkertaujaksoak innukarpok 140 Millionenik. Tâpkonangat Millionit 120 git innukattigêngnut Hindunut illingavut.

Tâpkoa illisimadlaralloarlutik, Gûdingoanik kivgartorteovut illungertormariktunik, ningarosungitunigle, unatarosungituniglo. Angajokaunersalle ingmigôlingatitaumarikput kippalônersanit, illagêksimajunut unuktunut, Kastinik taijaujunut, nerrikattigêtuinarnermut ivsornartitigêktunut.

Unatarviovlutik Portugîsinut, Hollandemiunut, Fransinut, Englisinullo aksartaukattarlaukput nunangannik tâpkonunga.

Nunat, Indiame Englisinut illingajut mânnâ, Mai-



lititut □ 240,000 tititut angitigivut, innukarpullo 152 Millionenik.

**Kalkuta**, iglugasaksuit aulatsiviojut innukarput 1 Millionenik. Niuvervilionerpât.

Iglugasaksuit **Delhi**, **Agra**, **Benares**, **Madras**, Millionib koppanganik, ununersaniglonêt innukarput.

Indiame Missioneekarpok unuktunik. Madraseme Kristusemut sâgiarsimajut ununerpauvut. Tagvanênerartaugivok Apostelib Tômasib illuvinga.

India ungardlek, kikkertaujaksoangogivok Mailititut □ 200,000 tititut angitigijomik, illisimajaunekiporle. Kakkaksoangit illangit attavut Himalaianut, kôksoangillo illangit angijut, tagvangat pivut. Innungit, kangianênersat Mallaiievovut, (§ 9, 5.) kitânênersat Mongôlinut, (§ 9, 2.) illinganersautillugit.

Tagvanêput: Attaniovik **Birmame**. Tâpsoma illanga mânnâ Englisinut perkutigijauvok.

Attaniovik Siame, innulik 6 Millionenik, illunakassatik attuarsijungnarput, ningarosungitut, unatarosugatiglo; kippalomarikpulle attanermingnut, angiluartomigle ikligunermut, saglonermut, uiveriklernermullo. Katôlikit Missioneekarput tâpkonane.

Attaniovik **Aname** nunatsiamariogivok Siametut, innungillo 12 Millionit, adsiodlarivut taipkonunga. Katôlikit Missioneekarivut taipkonane; ajokertortimingnigle unangmiklerlaungmatta, unatarviolaukput Fransinut 1858me, nunangallo angijomik illangertaulaukpok, Fransinut pigijaulerlune.

Kikkertat Indiab imarbinganêtut.

Anginingit imaiput:

**a. Bornêo**, kikkertak anginerpâk sillaksoarme, Mailititut □ 12,000 tititut angitigivok. Hollandemiut, (Dutsit) sikjangane nunakarput. Nunamaringa, (illua,) ketatuinarmik kaujimajauvok.

**b. Sumatra**. Angininga Mailitut □ 7000 tititut-ipok. Attaniovilik attausiungitomik.

**c. Java**, Mailititut □ 2400 tititut. Perorvioloringnerpauvok, piluartomik Kaffênik assinginiglotaug.

d. **Celebes**, aviktaunersauvok assinginit, kikkertaujaksoakarlune sittamanik.

Mikkinersat ingmigolingakasaktut pingasuit taijaksauvut:

a. kikkertat kanitarêt **Sundat.**

b. „ „ **Molukkit.**

c. „ „ **Filippinit.**

Tâpkoa perortungit kaningitomut aglât tipitsiaridlarput.

Illûnatik tâpkoa iglugasaksoakarpud unuktunik. Manilla anginerpauvut Filippînine, innukarpullo 140,000 tinik; illunatiglo perorviotsiarput.

## § 22.

### Attaniovik China.

Attanioviksoak China, innukarpok 430 Millionenik, Mailititulo □ 800,000 tititut angitigijôvok, nâjikassakporlo Asiab illuanik. Attanersoak, (Kaisere) issumaminituak malliklune attaniotivok, ingminik taisilune „Kilaub erninganik.“ Aulatsijokotingit Mandarîninik taijauvut. Chinamiut, (ubvalo Chinêsit) innukattigêngolaukput akkunit Kristusib innûlervingata sivorngane. Aglangnik nênersilaukput, argsaniglo, igalâksaniglo sennalaukput akkunit sivorliolutik kâblunanit. Tujormitsat ittertuksaungimarikput nunangannut, illumajaujomut karmaksoarmut. Jârit ikkitutuinaut mattoma sivorngane, iglugasaksuit tellimat itterviojungnarlaukput kablunânut, tâpkonane Kanton pijariakortunerpauvut.

China kôksoakarpok maggungnik angijungnik, pâkarviojûngnik kôksoanut unuktunut umiaktorviojungnartunut. Kôksoak tachane kôktok, taijauvok **Heangho**, imaipok: kôk korksuktak imarbingmik, pâkarvigijaminik kaningitomut korksuktitsingmat. Sekkerngane „Jante-Kiang“, imaipok: kôksoak tungojoktak. Innuit Chiname akkulaitomariovut, piluartomik kôksuit pâkasangine. Nuna ivsorimariktogalloak, perorviojungnangilarle nerikksanik amigangitunik innungnut taimak unuktigijunut, kitorngarêllo unuktut nûput Amerikamut, nunat



assinginullo. Tê kissime amigangilak, umiaksuit unuktut Jârine tamaine China kemakpât, Tênik kissiane ussetuakardlutik.

Iglogasaksuit aulatsiviojut **Peking**, karmaksûb kannitakasangane, innukarput 1,500,000 tinik. Kaivitauiariangat Mailititut 24 gititut sivitutigijôvok.

Kanton, innulit 1 Millionenik, kakkorlutunik sennavioluarput.

Chinêsit, (Chinamiut) innôvut Labradoremiutitut; kivgartorpulle Gûdeunitunik, arnangillo kippalogijau-marikput. Okpernek Kristusemut okâlatijaugalloarivok tâpkonane, sukaitokasangmigle pivalliavok, illânelo okpertut unangmijaugivuttauk innukattimingnut.

## § 23.

### Attaniovik Japan.

Chinab tachakasangata kitâne, kikkertavakpait sitamat, kikkertallo mikkinersat unuktut, — Kikkertat tâpkoa kattilugit Mailititut □ 29,600 tititut angitigijut, innukartullo Millionenik 35 ginik 38 gniglonêt kaglierlutik — attaniviovut Japanemik.

Japanemiut, (Japanêsit,) sivorngane mingeriartetuinaulaukput, mânnale innukattigêngnit Asiamêtunit tamainit illisimanerpauvut, pikaringnerpaulutiglo. Illinganingillo innukattigêngolutik âkisimatsiarnerpauvut, Gudingoanik kivgartorteogalloarlutik. Portugallmiut Katôlikeôjut agviarlaungilait, niuvernialrutik, Missionekarlutiglo Japaneme, Jâremit 1545 gemit. Kingornganele Kristusemiut illunaita Japanemêtut unangmimarilaukpait nunamingne, nungulugillo, kappianadlartomik tokkolugit. Jâremit 1638 gemit ingmigôlingamarikput, Chinamiut Hollandemiullo kissêta, agviartaumarilaungilat Japanemiunut niuvernialrutik, nertornangitomik illingatitaugalloarlutik, tâpkonunga. Jâreme 1854 mele Japan angmartaulaukpok Amerikamiut manugâkotinginut (= man-of-ware-kotinginut).

Japanemiut attanersoakarpot (Kaiserinik) maggungnik. Okperijaksanik aulatsijok Mikadomik, Dairimiglonêt taijaujok Gudetut opigijauvok, ingminik Gudeonerub erningauk taisivok. Unatarnermik, nunab pinginiglo aulatsijok Daimiomik taijauvok. Sivorlek iglugasaksuit Miako innigivait, kingorlek Jeddo, iglugasaksuit innulit 1,500,000tinik innigivait. Attanersoangojuble mânnâ Jeddomik taijaukojungnarpait Tokiomik kissiane.

Mânnâ innuosuktut Japanemiut unnuktut illiniarmarikput illisimanernik sunatuinarnik Europame, utteruniglo nunamingnut, ajôkertuijôlerput innukattimingnik. Okpernek Jesusemut sivorliotitaungilarle tâpkonane.

Nuna Japaneme perorviotsiarpok kakkôjaksanik, Tênik, Raissenik, assinginiglo perortutsianik unnuktunik, innungillo unnuktut innôgutiksamingnik imarbingmit kennerput sulle.

---

## II. Afrika.

### § 24.

Nunaksoak Afrika, Mailititut iktokigêktutitut 2,400,000 tititut angitigijôvok, Europa pingasuertorlugo. Asiamut attavok ittiblersoarmut Suezemut, (ikkerasaliorviojomut mânnâ umiaksuit angijomarît apkutigijungnartangannik). Itiblersoak tâmna pinago, ingmigôlingamarikpok. Tachanganêpok imarbik akkulliojok (§ 12) kangianêpok imarbiksoak Atlantia, sekkernganelo Indiab imarbiksoanga, kittanêlo imarbik aupaluktak (§ 20) Itiblek Suez ikkerasaliorutaumangmat mânnâ tamattomunga Afrika kikkertangortitaumavok.

Afrikab illua illitarijaunginerpauvok nunaksoanit



tellimanit ingmigôlingajunit tamainit; ingergarvioletartainarpok mâna ajokertuijunut nellojunut aijunut.

Afrika kernertat, Hamib kinguvangita nunagivât; niuverviovok sulle innungnik, unatarnerme salagijaujuniglonêt, tigliktaujuniglonêt, pingitserternermullonêt ni-  
orvgutigijaujunik. Innungit tachardlît arktaijôluarlaufput. Fransinut unatartaukârtinagit, nunallo taipkoa nangminerijaukârtinagit Fransinut, tagva kablunât aglât tigujauskattarlaufput, ni-  
orvgutigijaulutiglo kippalôtilugit.

Omajut Afrikame ingmigolingakasakivuttauk. Taijaksauluarput Hipopotamus, Rînoceros, Giraffe, Antilopit, Zebra, Ostrich (Strauss), assingillo. Nunab illainanga Afrikame perorviotsiarpok; illanga siorainauvok immekangimariktok, sorlo

### Sunakajuitok Sahara.

Sunakajuitok tâna Mailititut □ 460,000, tititut angitigijôvok. Imarbiôvok imakangitomik. Sorlolo imar-biksoarme takkuksaujokartuinarmat kilangmik imarmiglo, taimak Saharame pekartuinarpok kilangmiglo sioraniglo, ujarkaniglo; imarbingmit takkuksatakangiluarlune, tamna mallisôngongmat, omajokarmallo sunatuarnik. Saharame kilak aglât nuvajakajuikasakpok, akkunaksoakaralloartillugo kappianartunik, tâktitsijunik sillamik, aglât ketterarningane. Tagva nuvujat siorait kakaktitut ingergartutitut illingavut, kaividllarlutik. Akkunaksoak ônadlartok, Samumemik taijaujok, kappianarnerpauvok. Onarninganut innub illua aglât pan-nertitauvok, immerlo immerkautine nungutauvok, immerungnerlo ânianadlarpok aglât. Ingergajut tagva tagvainak nunamut pâmagagiakarput, kênatiglo kongasêlitanut imuserlugit, taimailiungipatta ippititauvut siorkanut niorkârtamingnut. Taimaigalloartillugo, sunakajuitok tâmnatauk ingergarviodlarpok Kamêlekut niuvernariartortunut. Ingergarkattigêktut taimaitut Karavanenik taijauvut, attoriakartamingnik illûnainik, immermiglo neksariakarput Kamêlib kemerdlungane.

Ingergariakarput uvlut 129 git navlugit, uvlut nokkarviojut kittikassiutilugit, asserortullo unnuktokasauvut, unnunersaunajarpullo, ipkoa „Oasit“ kikkertârsuktitut illingavlutik, perorviojut, illânelo immekartut pingipatta, Kamêlelo illingangipat umiaksoatut sunakajuitome.

Saharab tachâne Fransit mâna nunakarput Algiremik. Kangiane imarbiksoak Atlantia kanniktôvok. Kitânêput kôksûb Nîlib nunangit: Egipten sekkinerdek, Egiptenelo tachardlek, Israêlitit nunagilauktangat. Egipteniblo sekkernganepok nuna Nubia, ingmigôlingajogalloak, Egiptenemiulle ataningat aulatsiluarpok tagvane. Nubiablo sekkernganêput nunat „Habesh“, ubvalo Abisinia. Abisiniamiut sivorngane attanersoakalaukput attautsemik, mânnâ attanioviovok pingasunik: Tigre, Amhara, Schoalo. Innungillo Kristusemiôvut.

## § 25.

Saharab sekkernganêput nunat

## S u d a n

imaipok Kernertat (nunangat). Tâpkoa kernertat takoranênerpakutigivavut. Kangasinangit silliktut nuitadlarput, kaungit pôkitut uttimut uvingavut, kingangit naitut sillikput, kênanig takkijut amidlarput, nujangit kernertat naidlartut erkesulangavut. Kittorngarêt illangit ânanâmik perorsimagalloarmitillugit. Nellojôvut taksiornerpânik. Arvngoanik sunatuinarnik Gudingoakarput. Saunek, tingmiab ittigangit, ajokertuijunginut angekomut saimartaukârlune, Gudigijauvok. Innungnik tunerguserkattarput Gudioakotimingnut, illangillo in-nub uvininganik nerrivut, niorvguserlutiglo. Attaningita perkutetuinaiktut perkutigivait, niorvgutigikattarpaillo kippalômarigvingmut; nulliarêt, kittorngarêllo avikattarlugit innôsek nâvlugo, ogguartokartuarpallô ip-



perartauvok ipperautarmut, aungmik kôktitsitsainartomut, ipperariarutaugune tamât. Hamib kinguvângit tapkoa, atatagilauktangata ominernerartauninganut nê-nertaudlarput sulle.

Nunat Sudan perorviotsiarmarikput. Napartut ittigaktitut 30 gittitut silliktigijut unnuktôvut, paungakarlu-tik nerkiksaujunik, kakkojaksat perotsiadlarivut tagvane. Omajungit unnudlarivut, kattimgajokarpok Elefantinik, Loevinik, Panterinik umingmaniglo, siutekoktojuniglo unnuktunik; illa omajunik sunatuinarnik pekadlarpok nuname, kôngnelo Krokotillinik mingerianiglo unnuktunik. Pagvisartut unnudlarivut, kuglugitsat, kiktorisat assingillo.

## § 26.

### Senegambia.

Nunât tâpkoa, imarbiksub Atlantiab kitânêttut, Mailitut □ 18,000 tititut angitigivut. Innungit nellojôgalloat, malligaksatârsimavulle idluartokassanik. Angijôvut, nukkekadlarlutiglo. Diolofit kernernerpât, perorsimatianerpauvut Afrikamiunit tamainit. Fransit Englisillo Portugalleminiullo nunakarpot, niuverniarnerlo tapkutiguna pivok. Koksoak Senegal, umiaksoakut umi-aktorviosongovok.

Attaniovit Bambara, iglugasaksuit aulatsivigijangit Sêgu, innukarpot 30,000 tinik.

Gando, innulik 6 Millionenikassak.

Haussa, Bornu assingillo nunatsiangovut innukadlartunik, asserortauvakpulle unatartokaînarkasangmat tapkonane.

## § 27.

### A. Guinea tachardlek.

Nunatsiak angijoksoak, taijaulauktut § 26 me sek-kerngane.

Liberia, innulik 250,000 tinik. Illunakassatik kippalovingnit piulijaulaukput Englisinut. Iglugasaksuit Frîtaun (Freetown) unnuktunik kablunâlit, niuvervilionerpauvut Afrikame. Missionelik kippalônernermit piulijaulauktunut illingaluartomik.

Tapsoma kitânêpok attaniovik Asanti, unatarvionerpâk, tunnerguservionerpârlo innungnik Gudioanut.

Kakkaksuit sikjamut kannikassaktut, taijauvut Sierra Leonemik, imaipok: Loevit kakkanginik.

Attaniovik Dahome illingavok Asantinut.

## B. Guinea sekkinerdklek.

Nunat Biafra, Loango, Kongo, Angola, Benguelalo nunagijauvut kernertanut ingmigôlingajunut sunatuinar-nut, innogutiksarsiertunut niuvernianekut Palmit orksuanik, Elefantillo tânganginik, piluartomigle innungnik kippalôjuksanik, tigliktauvaktunik, unatarnermelonêt tigujauvaktunik.

### § 28.

## Afrikab nunangita sekkinerdklingit. Uivaksoangitalo nunangit. (Capelands.)

Afrikab uivanga sekkinerdklerpâk nagvartautainarlaukpok Jâreme 1486 me, Diazemik attelingmut, Portugalemiut perkutigikârlaukpât, kingorngane Hollandemiut, mânnâ Englisinut illingavok. Innungit 600,000 tiônerartauvut. Abvangit kablunauvut, Englisillo Hollandemiullo, abvangillo Hottentoteovut kangiane, Kafferillo kitâne. Tammarmik innukattekarput innukattigengojunik adsigikasaktamingnik, unatartigêkattartunigle. Hottentotit unatarosunginersersauvut Kafferinit, illûnânele pikarênersaugivut taipkonangat. Jâremi 1737 gemit kattangutigêt Missionekealaukput Hottentotine; nutangortitaulauktomik 1792 me, illûnatigle Kristusemiôvut. Kafferine Missionekearalloarivok adsigêngi-



tunik sunatuinarnik, sâgiarsimangitulle sulle unnuk-tôvut, pilluartomik nanane uivaksûb nunangita Guineablo akkornganêtune.

Kaffërit attanekarput illamingnik, perkutekaluarput tuktuvangnik, kênaujakalarmiglo sorlo tapkoninga. Sagiarsimangitullo pannervgakarput unnuktunik, pissigiakartamingnik tuktuvangnuttauk. Arnangit kippalogijaumarikput. Angutit kammatuinarput tuktuvangnik omajoksiornermiglo, supporusijarnermiglo; sullijaksat tamaita, perorsêvingmelo iglomelo arnanut pijaujariakarput. Angekungit (sillalungmik sennajingit) pitsartunekadlarput, kappianartoksoarmiglo pitlartaukojikatterput. Okpertub Jesusemut najugâne pitsartunekarungnaernermingnik kigligiutsivut; tapkoalo unnuksivalliavut, unêt sukkaitomik. Kaffërilletauk illangit ajokertuijekalerêrput illamingnik illungertortomaringnik.

## § 29.

### Kikkertat Afrikamut illingajut.

Afrikab kitâne, Indiab imarbiksoanganêpok kikkertak angijoksoak ananaudlartok Madagaskar. Mailititut □ 43,600 tititut angitigijok. Perorviovok nunat onartut nâmatuinarput perortunginik illunainikasak; nunangalo kêtatuinarnik sennajaujariakarpok. Omajokadlarmarikivoktau, piluartomik kuingînganik nujuartunik, Krokodilliniglo, Leopardiniglo, ammarôjaniglo (= Shakalenik). Innungit kattimgakutekarput tuktuvânik, saukanik, tuktungajuniglo. Imarbik mingeriakadlarpok, nunalo ittersalliortaukpat, nagvârviovok Golde-mik, Silberemiglo, kannujarnik, kikkiangmik, sabviorutiksajanik, sioraujaniglo.

Innungit 5 Millioneonerartauvut. 1642 me Fransit piginassuarpât, kingorngane attanekarassuarivut illamingnik, tâpkonangat Radama innôjungnaertok 1828 me okpernek Kristusemut okâlatigijaukovâ nunamine, nangminerlo okpertôvlune. Tokkungat kingorngane okpertut

angijomik unangmijaulauput Madagaskareme. Mânnâ kikkertak Kristusemiut nunanginut kittikattauvok, attanerlo (arnak) Ranawalona, baptitaulaupok Februaireme 1869 me.

Kikkertat mikkijut, Madagaskarib kanitanganêtot Fransinut sulle illingavut; kattilugit innukarnerartauvut 15,000 tinik.

Kikkertat Komorit, Madagaskarib tachânêtot innukarput 50,000 tinik Arabiamiuniglo Sabeliniglo. Perorviotsiaridlarput.

Maskarênit kakkauput illagênik ikkomamik annitsijoktakartunik. Tagvane iviksut Zukereliojut peroloridlarput. Innulît 210,000 tinik. 1642 mit Fransit nunanginut illingavut.

Taimailaurivok Maurizius innulik 350,000 tinik. 1810 mit Englandemut illingavok.

Amirantit, Madagaskarib tachânêtot nuverdlôjatuinaukassakput, ikkitunik innukarlulutik. Tâpkoalo, tachanginêtullo Mahêit, Englisinut illingavut, taimaktauk kikkertak angijok

Sokotora, imarbiub aupaluktaub panganêkasaktok, kannimanarninga pitjutigallugo Englisinut kemmaktauajok.

Imarbiksoarme Atlantieme, Afrika ikkituinarnik kikkertakarpok. Ekuatorib kannitakasangane kikkertat kannitarêt, Guineab kikkertangit, illûnatik illâne ikkomamik annitsivut.

Trista da Kunha, Afrikab Amerikablo akkorngangnêtok taimailaurivok (Pôktuninga 7800'). Kângane apputekaînarkassakpok mânnâ.

St. Helena, imarbiksub kerkanêkasaktok kairtotuinaukasakpok. Mailititut pingasutitut □ angitigijok. Tagvunga Napoleon I. parngnanaersortaujutut nunakartitaulaupok 1815 me. Taijaksauvut sulle kikkertat

Kapverdiat, Afrikab kangiata tachakasangane. 10 it innukarput, kattilugit 90,000 tinik, illangille kairtotuinavut innukangitunik. Kikkertat



Kanariat, taijaulauktut tachâne. 7 it, anginingit, innukarput, kattilugit 257,000 tinik, 6 it, mikkinersat, innukangilat. Anginingit perorviotsiarput.

Madeira (imaipok: kejuk), kikkertanit tamainit ananaunerpaukattauvok, innukarpok 250,000 tinik.

Kikkertat Azorit, Portugalemuttauk illingajut, 9 ôvut, innulit 250,000 tinik, perorviotsiarivut Kaffênik, suvloksaniglo Zukeriksani, assinginiglo; sajukpilâ-kattarpulle, puailavikarpullo immermik ônadlartomik.

Afrika tâdlarpok sulle! Innukattigêksoangita unnuktut, Annernerub innosinga kaujimangilallonêt. Unatarnek arktainerlo, perkutini kippalojuksaniglo, unnuktoksuit sulle kuviagijatuarivait. Okpertut kinguvasikput sulle angijomik Afrikamiut pivlugit.

### III. A m ê r i k a.

#### § 30.

#### Ubvalo illuilersoak (-Kontinent) kangillek.

Amêrika aviktauvok maggolivilugo adsigêkasângnik, tâpkoale illagêksimavûk itiblersoarmut sivitûjomut, kakalingmut poktûjunik. Mailititut □ 2,680,000 tititut angitigijôvok. Asiamit mikkinersautuinarlune. Illulersûb abvakogingnêpok tammangne, sekkinerdlirme tachardlermelo, adsigêkasangmik, kaglinersauvlune Pôlîngnut nunat assigininit tamainit. Kangianêpok imarbik ikubliatsainartok (§ 6, 4) kitâne imarbik Atlantia (§ 6, 2). Asiamit aviktautuinarpok Bêringib ikkerasanganut.

Amêrika nagvârtautainarlaukpok Kristof Kolumbusemut 1492 me. Sivorngane kaujijaulaungimarikporlonêt Amêrikakarmat.

Nunat sekkinerdlerpât tachardlernerpâllo pinagit, Jârit 100 tit mattoma sivorngane Amêrika illûnâne illingalaukpok attanernut Europamêtnut. Mânnâ nunakattigêt unnunersat Republikeôvut (§ 11), aulatsijokarlutik annerijamingnik.

Amêrika nûviovok sulle unnuktokasangnut Europamillo Asiamillo aularmariktunut, innungit sulle Europamiutitut akkulaitigingimatta; kattilugit 85 Millioneo-kasakput. (Bericht der Washington'schen Statistischen Gesellschaft, 1875.) Kablunât 30 Millioneolutik, Adlat, Amêrikamiutokaillo assingit 13 Millionit, kernertat 8 Millionit. Assingit akkuliovtut, nellînullonêt illingamarigatik. Amêrika kakakarnerpauvok attajigêktunik, numanit tamainit nunaksoarmêtnut.

### § 31.

## Amêrika sekkinerdle.

Amêrika sekkinerdle nunauvok nuvutsiarikasaktomik âne, silliktomiglo tachâne, Ekuatorib nellikasangane, nellânelo. Kakkat Andit, Kordillerillonêt, sivitunerpauvut kakkanit tamainit nunaksoarmêtnut, nuvungane sekkinerdlernerme pigiarlutik, kellaumgujattitut najikasakput Amêrikamik sekkinerdlernik, Mailititut 3600 tititut takkitigijôlutik, Mailititulo 400 tititut silliktigijôvlutik, kellaumgujangovut maggungnik, illâne aglât pingasunik sennilerêktunik. Tâpkonanêpok kakaksoak Chimborasso, ittigaktitut 20,000 tititut pôktutigijok, akkunit kakkanit tamainit nunaksoarmêtnut pôktunerpaunasugijaulauktok. Mânnâ Kinkin Junga 26,000', Everestelo 27,000' pôktutigijûk, Himalaiamêtûk (§ 14) kaujijaumavûk. Kakkat tâpkoa naksatuinarnut ingmigôlingatitautuinangilat, illâne illuitôvtut, poktuniolutik nunatsianik manniktunik. Tajaksauluarput:

1. Tessersoak **Titikaka**, Mailititut ☐ 800 tititut angitigijok, imarbingmillo kogvasiktok ittigaktitut 12,000 tititut.



2. Tachâneonersak poktunek **Kuitome** (Quitome), Chimborassob kanniktangane.

3. Poktunek **Bogotame**, kangianele kissiane sinnekartok sulle Andinik.

Poktuniojune tamakkonane silla niptatsiarpok, kiangoningalo ikublavok.

Kakkat tâpkoa nagvârvionerpauvut Goldemik, Diamanteniglo, sabviorutiksajaniglo. Llama, Vikunalo omajôvuk tâpkonane nagvârtaujungnik; sivorlek ivlernarpok nangmarninga okkumaitunik, kennuêningalo pivlugik; kingorlerlo merkutsiangit, saukab merkunginit ânanaunersaudlartut, pivlugit. Nektoralijak Kondore kongmuarnersauvok kakkaksuit taipkoa nuvunginit. Essarogik issivitaupkanik, ittigaktitut 12 tut sennimututigivûk. Tuktôjaniglo, tuktuvaillo nochanginik upakpok.

Taijaksauvuttauk sulle kakkaksuit Andit tachanêtit Sierra\*) Nevada de Santa Marta. 18,000' poktutigijut, kakkaksuillo Venezuelame 8000', Brasiliamelô 6000', Guianametullo 7000'.

Kakkat ikkomamik annitsijut unudlarivut Amêrikame sekkinerdlêrme, Kotopaksi, Chimborassob kanniktanganêtok pinerpauvok; kallungit nippalijâdlarningillo tussartauvut illâne kanningitome, Mailit 100 tit tikkilugit (Humboldt 25 deutsche M.). Nunalo sajukpilâkattarpok kakkat taipkoa kanniktakasangine, perorviotsiarporle ânânâmik angijoksoarmiglo.

Kôksoanginit taituinarpavut:

1. **Orinoko**, Venezuelab Guianablo kakkaksoangita akkorngane kôktok.

2. **Maranon**, ubvalo **Amazonit kôngat**, koksoak anginerpâk nunaksoarme. Pângane Mailititut 120 gititut silliktigivok.

3. Brasiliab poktuninganit kôksuit pingasut kôkput aunga, attiggit: **Paraguaimik**, **Paranamik**, **Uruguaimiglo**, kattilerpulle pâme attautseme angijoksoarme, taijaujome **Rio de la Platamik**.

---

\*) imaipok: Kakkat kiglalit.

I. Amêrikab sekkinerdlieb abvanga anginersaungijaitok, Jârit 60 git mattoma sivorngane sulle, Spaniaminut illingalaukpok; tainaimat Spaniamiut okausingit attortauluarput tagvane, Katôlikillo Romiut ununerpauvut innunginit. Mânnâ Spaniamiut nunagilauktangit tagvane Republikeovok 9 inik. Nunat tâpkoa kattilugit Mailititut □ 160,000 tititut angitigivut, innulit 15 Millioneokasaktunik.

1. **Venezuela**, sikjame tachardlerme. Iglugasaksosangit aulatsiviojut **Karakas**, innulit 45,000 tinik, niuverviodlarput.

2. **Granadatâk**, kangiane. Iglugasaksuit aulatsiviojut **Bogota**; innulit 80,000 tinik.

3. **Ekuador**. Taimak taijauvok Ekuatorib nellânêmat. Kuitto, (Quitto) iglugasaksuit aulatsiviojut innulit 75,000 tinik.

4. **Peru**, perorviojok ammerarnik aniasiuteojunik. Iglugasaksuit aulatsiviojut **Lima**, innulit 75,000 tinik. Umiakovitsiangat **Kallao**.

5. **Bolivia**, iglugasaksuit aulatsiviojut attekarpur Chuquisakamik.

6. **Kile**, (= Chile,) iglugasaksuit aulatsiviojut **Jago**. Iglugasaksuit **Valdivia**, **Valparaisolo** umiakovitsialit, niuverviodlarput angijomik.

7. **La Plata**. Nunakattigêt 14 it ingmigôlingagalloarlutik, illagêksimavut Republikeolutik attautsemik. Iglugasaksuit aulatsiviojut; **Buenos Aires**, innulit 100,000 tinik, kôksoarme La Platamik attelingme.

8. **Uruguai**, iglugasaksuit aulatsiviojut, **Montevideo**.

9. **Paraguai**, iglugasaksuit aulatsivit **Assumzion**.

II. Nuvuksoak, Amêrikab sekkinerdlieb sekkernga, taijauvok Patagoniamik, innukarporlo sulle, ingergainak innugilauktanginik. Tâpkoa innungnit nunamêtunit anginerpaunasugijauvut, ittigaktitut 6 ititut, 7 ititut tikkilutik angitigijôngmatta.

Kikkertat nuvuanêtut Englisit nangminermingnut perkutaunerarpait.

III. Nuvungoak, nunaksûb sikjangata kitterdlieb kerkanêtok nunalo tapsoma (illuerganêtut) kangillingit **Brasiliaôvut**. Attaniovik tâmna Mailititut □ 520,000 tititut angitigijôvok, innukarporlo 5 Millionenik.



Iglugasaksuit aulatsiviojut attekarpur **Rio de Janerimik**, ubvalo imâtuinak: **Rio**. Innulit 250,000 tinik. Angijomik niuverviovut, umiakovingat angijoksoak, ânanaunerpangonerartaungmat sillaksoarmêtnit tamainit. Iglugasaksoangita sôngojut akkorngane taituinarpavut sulle **Bahia**, innulit 190,000 tinik **Pernambukolo**, aupaloriktitsijunik kejunnik pissiviodlartut. Nuna nagvârvioldarpok Goldemik, Silberemiglo, Diamanteniglo.

III. Nunat tâpkoa tachardlingit, Guianab poktuninganêtnut perorvioldarpur angijomik, Kâfenik, Zuckeriksamik, Raisemik, annoraksajaksamik, (cotton) assinginiglo unnuktunik.

**Kaijanne** illingavok Fransinut.

**Suriname** Dutsinut (Hollandemiunut). Tagvane Missionekarpogut unnuktunik kernertat akkorngane. Tapkoalo kippalojungnaerput mâna.

**Berbice, Demerari, Esekuebolo** Englisinut illingavut.

## § 32.

### Amêrika ketterdek, Westindialo.

1. Amêrika ketterdek, Amêrikalo sekkinerdek illagêktitaungilâk attanermut amitomut pokitomullo, Asiatut Afrikatullo, kakkanulle attautijunut poktujunut, Mailititut 1200 tititut sivitutigijunut. Kakkat tâpkoa, illangit ittigaktitut 12,000 tititut poktutigivut, kângane kairtutuinaukasaklutik, pigiarningine ivsutsiarikput, perorviotsiarlarmiglo. Nunat tâpkoa Mailititut □ 12,000 tititukasak angitigijôvat.

Amerika ketterdektauk, sivorngane Spaniamut illingalaukpok, mâna nuna tâmnatauk aviktauvok Republikeolune tallimanik. Attingit imaiput: **Kosta-Rika, Nikaragua, Honduras, San Salvador, Guatemalalo**. Kingorlerpâmik taijaujokut sennajaunassuartokarpok ikkerasamik illagêktitsinajartomik imarbingmik Atlantiamik ikubliajomiglo, ikkerasaksoak tâmna, pigiartaulaukpok Januareme 1880 me.

Honduraseme nunab illanga, iglugasaksuillo Balize, Englisit pigivât, kejuut aupaluktitsijutaujut annorâk-

sanik pivlugit. Englisit sapputsivattauck Adlat attaninganik **Moskitomêtomik**, Hondurasib sekkerngane.

Tagvane Missione karpoguttauck, Adlat, kernertat kablunângajullo akkornnganne.

2. Amêrikab sekkinerdliub nuvua tachardlek, imarbipassidlarmat, Amêrikalo tachardlek aunga nângmat kikkertaujaksoangolune aunga kanningitomut tikkoartomik, Floridamik attelingmik, kakkalo illagêktitsijut tammangnik kangianêmatta, sakkertitaujokarpok tamattomunga tessiujaksoakpâmik, atserartaujomik „Imarbingmik Karaibiamik“. Imarbik tâmna unane sinnekarpok kikkertanik unnuktunik, 400 tinit unnunersanik, kattilugit taijaujunik.

## Westindiamik.

Kablunât Amêrikamik nagvârtut, kikkertat tâpkoa nagvârkârpait, innukartillugit Karaibinik, innungnik nerrisûnik. Taimaigalloartillugo, Europamiut sunatuinait nunagijartorpait, perortitsivullo tagvane mamaksauteliksanic, Kâfeniglo, annorâksajaksaniglo, Kakaomiglo, sunatuinarniglo Europamiunut pissiarijauvaktunik, akketujôvlutik.

Westindia innukarpok mâna 3,500,000 tinik, tâpkonangat 2,800,000 tillo kernertauvut.

### 1. Kikkertat Bahâmat

tachardliojut Englisinut illingavut. Attanerusiub ilangat „**Providenzetâk**“ nunagivâ. Kikkertak mikkijok **Guanahani**, Kolumbusib, Amêrikamik nâgvârtub niukârvigiva, 1492 me.

### 2. Antillit angijut sittamat.

a. **Kûba**, anginerpângat, Mailititut □ 8000 tititut angitigijôvok, innukarporlo 1 Millionenik. Perorviotsiarlorikpok, akluijutaudlarporlo Spaniamut. Iglugasaksuit **Havanna**, aulatsiviojut, innulît 200,000 tinik, avaluksoalît sôgojunik.

b. **Jamaika**, Englisinut illingajok, Mailititut □ 1,200 angitigijôvok. Tagvane Missiouekarpogut unnuktunik ingminik pattangaitijarêrkasaktunik.

c. **Sankt Domingo**, Haitilonêt, sivorngane Fransinut Spaniamiunullo perkutigijaulaukrok, mâнна kangia attanioviovok kernertamik Kaisereelingmik. Kittâlo Republikeovok Domingomiktauk taijaujomik.

d. **Porto Riko**, Mailititut 680 gititut angitigijok, Spaniamiunut illingavok.

### 3. Antillit mikkijut,

kattilugit 400 tinit unnunersauvut, Mailititullo □ 300 tititut angitigijôvut.

a. **Englisinut** illingavut. **Barbados**, innulionerpâk Englisinut illingajune. Tabago, Trinidad, St. Luzia, Dominika assingillo.

b. **Fransinut** illingavut: Guadelupe, Martinikelo. Tâpkoa kikkertângovûk angijûgnik, innukadlartûng-niglo.

c. **Hollandemiunut**: (Dutshinut) Kurakao assingillo, Venezuelab sikjangata kanniktangane.

d. **Dêninut**: St. Kruks, (Croix,) St. Jan. (St. Thomas niorvgutigilaukpât Amêrikamiunut.)

## § 33.

### Amêrika tachardlek.

Kakkangit, kôksoangit, tesslersoangillo.

Amêrika tachardlek kakkakarivok unnuktunik pok-tujunik attautijuniglo, kellaumgujattitut kangiane kitâneonersarlo, nunamut illijaumajutitut illingajunik. Tâpkoa taijauvut Orêgonemik, imaipok: kakkat kairtut, (= Rocky mountains.) Kakkat tâpkoa poktunekarput ittigaktitut 18,000 tititut tikkilugit. (Kakkak Hood.) Kakkak Elias, ikkomamik annitsijok, ittigaktitut 17,000 tititut poktutigijôvok. Ingmigolingaluassiarput kakkat Aleghanisit, imarbiub ikublajub sikjanganit, kangianit



ununga illingajut, senningângalutik, pângat ununga, avungângalutik.

1. Kakkane tamakkonane kôksuit unnuktut puailavikarput. Taituinarpavut: Mississippi, Mailititut 4,400 tititut takkitigijok. Missouri, pâlik Missisippimut Mailititut 3,100 tititut takkitigijok. Kôksoâk Ohio, Tennesselo. Tâpkoa aunga kôkput; Makenzie kôktok avunga, pâkarlune imarbingmut sikkoêjuitomut; St. Lorenz, Kanadame; Hudson, Delleware, Suskoehanna, Potomakelo âneonersak pâkarput imarbingmut Atlantiamut; kôksuit Fraser, Kolumbia, Kolloradolo, kakkat kairtut (= Rocky mountains) kangiane pâkarput imarbingmut ikubliatsainartomut.

2. Tessersuit anginerpât sillaksoarmêtit Amêrikamêput tachardlerme. Tessersoak Superior Mailititut □ 30,000 tititut angitigijok. Huron Mailititut 25,000 tititut. Michigan Mail. 20,000 tititut. Erie, Ontariolo, Kanadamêput. Illûnatik kollerêkput majutititut, Huronele Michiganelo tumerarmêpuk sorlo attausênarme. Tipvasingsersaub immersoangit kattekput akpasinersamut. Kôk, illagêktitsijok Eriemik Ontarioniglo, Niagaramik taijauvok, sakkijartitsivorlo korlortoksoarmik, angijomik okautaunelingmik. Kôk, Ontarionit imarbingmut kôktok St. Lorenzeovok; tamnalo pâminit kanningitigijôvlune sulle Mailititut 280 gititut, siliktigijarêrpok Mailititut 8 tetut. Tessersoâk Wood, Winnipe glo kôkarpûk Hudsonsbaimut pâlingnik.

### § 34. .

Amêrikab tachardliub nunanginit, ingmigut atse-rartaujunit Meksiko, ubvalo Mejiko, sekkinerdlinerpauvok. Spaniamiut Amêrika nagvârtainarmatsuk, Meksikomiut attanersoakalaukput Kaisereojomik, issumaminik attanotijomik. Spaniamiut angajokakartut Kordezemik kijitsennatik sorsugvigivait, sâlagilugillo, nunalo nang-minerivât, Jârinut ikkitutuinaartunut mattoma sivorngane

tikkilutik. Mânnâ ovanetauk attaniovit illangit illagêk-simavut, tâpkoalo nunamingnik taisivut:

Meksikomiut angerkattigêksimajut Republikinganik.

Nunangat Mailititut □ 120,000 tititut angitigijô-vok innukarlune 8 Millionenik.

Iglugasaksoangit, aulatsiviojut Meksiko, innulît 200,000 tinik, nunatsiangojomêdlarput, iglugasaksoang-ovullo ânanaunerpânik Amêrikamêtunit tamainit. Tâpkoa pinagit Meksiko iglugasaksoakarpok 10 nik, 20,000 tinit unnunersanik innukartunik. Tâpkoa illûnatik ittersalliorvikarpullonêt Goldesiorvingnik, Silberesiorvingniglo, niuverviodlarpullonêt, nuname perortunik akketujunik: Kocheuillemik, Chokolademik, (sakledemik,) assinginiglo unnuktunik. Imarbiksub Atlantiab sikjanganêput iglugasaksuit Vera Kruz, unatarvilît tallu-liorsimajunik; imarbiksûblo ikubliab sikjangane Akapulko.

Meksikomut illingagivûk kikkertaujaksoâk Jukatan, Kalifornialo; sivorlek kitânêpok, kingorlek kangiane, imarbiksûb ikubliab sikjariva.

Meksikomiut Katôlikeovut Romiunik, kennugosuk-pullo okpernekakattigingitaminingnik, nunakattigingi-tamingniglo illûnainik. Unatarosukpullo angijomik; pilluartomiktauk nunakattimingnut.

## § 35.

Nunakakattigêt illagêktisimajut.

Amêrikame tachardlerme.

Ubvalo:

## Republik Amêrikame tachardlerme.

Nunaksoak, Floridab (§ 32, 2) tachâne, nuviokatarlaukpok, Jârib 1500 tib kingorngane Europamiunut sunatuinarnut, mânnâ tikkilugo. Adlat sorsugvigilugit kingupiartipait. Kablunât tâpkoa nûviotsainartut, pilu-

artomik Englandemiunut Germaniamiunullo unnuksivalliasaraidlarput. Ingmigôlingavlutik, attaniovngmiutitut illusetârput, aulatsijuniglo annerosukput akkunermingnit, tâpkoalo issumaksarsiorkattekarlutik, annerijaujuniktauk innungnut, malligaksanik perkojaniglo âkiksoivut, piluartomik ikkajusiksat, aulatsinermut il-lingajut pivlugit. Nunakakattigêt taimaitut, Jârib 1800 tib sivorngane 13 ôlaukput.

Ingminik aulatsigalloarlutik, Englandemut illinganerartaulaukput, Jârinelo tamaine kênaujanik tunnijariakalaukput aulatsijunut Englandemêtunut, sorlo Englan-  
demiut tunnijariakarmattatut. Tagva nâmagosunginingat perorpok taimak angidlartomik, akkillêjomaêramik akkil-  
liutiksanik taipkoninga. Tagva Jâreme 1773 me unat-  
arviovut Englisinut, Englisille sâlagijauvut, Amêrika-  
miullo nangminermingnut illingakojaujariakarpur tâpko-  
nunga. Taimaglo pigiarpok Republik Amêrikame ta-  
chardlerme, ubvalo:

**Republikit Amêrikame tachardlerme illagêksimaningat  
(= Uniongat).**

Nunakakattigêt, Republikinik taijauvaktut (nang-  
minek nunakakattigêngrerit tamakkoa taivât „Statesenik“,  
imaipok: „Nunanik aulatsivingnik ingmigôlingajunik“),  
31 ôvut mânnâ.

I. Imarbingmit, Floridab tachânit, kakkat Allegha-  
nisit kangivasingningit tikkilugit 15 it, attingit avangat  
aunga attuarlugit imaiput:

- |  |                   |
|--|-------------------|
| 1. Maine.                                | 2. Hampshiretak.  |
| 3. Vermont.                              | 4. Massachusetts. |
| 5. Rhode Islands.                        | 6. Konnektikut.   |
| 7. New-York = Yorketâk.                  | 8. Pensilvania.   |
| 9. New-Jersey = Jersitak.                | 10. Maryland.     |
| 11. Delaware.                            | 12. Virginia.     |
| 13. Nord-Karolina = Karolina tachardlek. |                   |
| 14. Karolina sekkinerdlek.               | 15. Georgia.      |

Iglugasaksuit tachapassingnersat (kannitangine)  
umiakovikarpur ânanaudlartunik, tamanna pivlugo  
niuverviodlarput angijomik. Âneonersat perorsênernmik



innogutiksarsijutiksakarnersauvut. Iglugasaksuit illainangit taijungnarpavut. Nunakakattigêt Numeringanut nellunaikusertauvut, nelliane aulatsiviomangatta.

Iglugasaksuit **Washington**, nunakakattigêktunut illûnainut illingajut aulatsiviovut. Tagvane aulatsijok, nutâmik annerijaujariakartok Jârit sittamat nâlerangatta, nunakariakarpok aulatsijônermine (= Presidenteonermine).

**Boston** (4), innulît 200,000 tinikasak.

**New-York** = Yorketâk, innulît 942,000 tinik, niuvervionerpât Amêrikame, sillaksoarmelo illûnâne pivionersatakartuinarpok Londonemik.

**Filadelfia** (8), innulît 674,000 tinik, kattimavikarput 300 tinik, illiniarviniglo ânanaudlartunik unnuktunik.

**Baltimore** (10), innulît 220,000 tinik, niuerviodlarput angijomik umiaksoakut.

**Charleston** (14), innulît 44,000 tinik, niuerviodlarput Tobakenik perorsêamingnik, kakkorlutuksajaniglo.

**16. Florida**, kikkertaujaksoak, aulatsiviglo, iglugasaksoangillo, taimak attigit issukliôvut âne.

II. Nunat aulatsivît, (Republikit) kôksub Mississippib kitânêttut, avangat aunga imâk malliktigêkput:

**17. Michigan.**

**18. Iowa.**

**19. Wiskonsin.**

**20. Ohio.**

**21. Indiana.**

**22. Illinois.**

**23. Kentukki.**

**24. Tennessee.**

**25. Alabama.**

**26. Mississippi.**

**Cinziati** (20), innulît 160,000 tinik iglugasaksoangovut anginerpânik nunane tamakkonane.

III. Nunat aulatsivît Mississippib sekkerngane unane:

**27. Missouri.**

**28. Arkansas.**

**29. Luisiana.**

**30. Teksas.**

**St. Lui** (27), iglugasaksuit angijut, niuerviodlartut, innulît 104,000 tinik. Piluartomiktauk **New-Orleans** (29), innulît 152,000 tinit unnunersanik.

**Galveston** aulatsiviovut Teksaseme.

IV. Nunat aulatsivît (Republikit) imarbiksûb ikubliajub kannitangane:

**31. Kalifornia.** Iglugasaksuit aulatsivigijangit **Franzisko**, tuavi angijororput, kannitangine Goldemik nagvârtokadlarmat.

V. Nunatuinarnik taijauvakput nunat Missisippib kangiane, aulatsiviolungimatta sulle. Tagvane Mormônit nunakarivut, tessersub tarriôjomik taijaujûb senniane. Iglugasaksoatik taivât: Jerusalemetâmik; ingminiglo taivut: Ivsornaitunik, innôjunik uvlune kingorlerpâne. Mânnâlo sennajaumajokarpok apkosinermik, kikkiangnik innelingnik aksalloanut, imarbingmit Atlantiamit, imarbik ikubliak tikkilugo Amêrika tachardlek senni-mut nâluassiarlugo. Apkosinek tâmna kaut tamât, unuannelo tamaine attortauvok, ingergajunut, perkutiniglo atsartorviovluene, kamutikut, pujormut aulataujokut.

### § 36.

## Amêrikab nunangit tachardlit

Englisinut illingajut.

1. Kanada, tessersuit taijaumajut § 33, 2 me sekernegane tachânelo, perorviodlarpok kakkôjaksanik, Tobakenik, paungâlungnik, makpatâvangniglo (Krautunik) sunatuinarnik. Napartullo unnuktut iptekarput Zukeriksamik, iviksukkaniglo ânanânik perorviovok. Tamanna pivlugo nûviovok sulle Europamiunut unnuktunut. Kanada aviktauvo kôksoarmut Ottawamut, pâlingmut St. Lorenzemut, maggôlivlugo, Kanadaovluene kogvasiktok, akpasiktorlo. Iglugasaksuit Toronto aulatsiviovut sivorlerme, Kuebekelo kingorlerme. Tamarnik kattilugit innukarput 2 Millionenikasak.

### 2. New-Brunswik,

St. Lorenzib pânganêpok. Iglugasaksuit aulatsiviojut tagvane Fredriktowneovut. Kikkertaujaksoarme, New-Brunswikib kitânêtomêpok

### 3. Nova Scotia.

Tagvane iglugasaksuit Halifaks, innulît 20,000 tinik, aulatsiviovut. Nuna tâmna akluidlarpok kikkiaksanik, sabviorutiksajaniglo, kejutsianiglo, kakkôjaksallo perorlorikput tagvane.

## 4. Prinz Eduardib nunanga.

kikkertauvok Nova Scotiab tachâne. Taimaktauk kikkertak Kap Breton, nunamariub Amêrikab issua, unane tachâne. Ogalik unnuktunik.

## 5. Newfoundland,

kikkertauvoktauk, St. Lorenzib pângata nellânêtomik. Innungit kattilugit 100,000 onerartauvut. Ig-lugasaksuit St. Johns, innulît 22,000 tinik, aulatsivio-vut tâpkonane. Newfoundlandeniut innôgutiksakârluarput ôgarniarnermik, puijeniarnermiglo.

Kikkertaujaksoak Newfoundlandib tachânêtok, ik-kerasaksoak Hudsonsbaimut illingajok tikkilugo tai-jauvok:

## 6. Labradoremik.

Mailititut □ 80,000 tititut angitigigalloarlune, in-nukarpok 7000 tuinarnik. Tâpkonangat 2000 tit Eski-môvut, 4000 tillo Adlauvut, 1000 tillo kablunauvut kablunangajullo.

Eskimonit, ingminik innungnik taijunnit 1100 pairijauvut ajokertuijunut nunane 6 ine, illagêktotaling-ne, Hoffentâleme, Zoareme, Naineme, Okarme, Hebro-neme, Ramamelo. Sagiarsimajut opertôvut, malligaksa-kartunik Gudib okausinginik; sagiarsimangitulle erk-sinarput, pijomajamingnik pingikunik, pitsartunekaru-niglo. Innôgutiksarsijutiksakarput omajoksiornermiglo mingeriarniarnermiglo. Omajut akkorngane puije pi-jariakortunerpauvok, ôkallo, kavisi-lillo, erkalluillo niu-viaksauvut. Innuit sekkinerdlît angiluartomik pissi-niutigivait nerkinik kablunâktanik.

Nuna perorviojungnuangilak kakkôjaksanik, kairto-tuinaungmallonêt, imaksuglonêt, siorarlonêt, aujakar-mallo takkit pingasutuinaut nâvlugit. Okkiomele ter-rianniat, akkigillo pinnasuartaudlarivut, operngamelo puijit tuktullo, omajullo sunatuinaut.

Adlattauk innuktitut ikiglinersauvalliavut. Omi-suktigêngneolauktok innungnelo adlanelo nipakpallia-vok. Rômiunik Katôlikeonerartaujogalloat, ajokertaung-



imarikpulle. Innôgutiksarsijutiksakarput pissukteni-  
arnermik, piluartomik kabviaitsianik, tuktunik, minge-  
riarniarnermiglo.

Kablunât kablunângajullo unnunersauvalliavut  
Labradorematau. Innogutiksarsivikaralloarlutik in-  
nuktut adlatitullo, errinesungnersauvut tâpkonangat.

7. Nunat sivitujoksuit, Labradorib kangiane, imak  
Hudsons - Bai tikkilugo, tapsomalo tachâne, Pôle  
tachardlek tikkilugo.

Englisinut perkutaunerartauvut. Imukarput ikki-  
tomaringnik. Tachardlingit niuervikatsengimarikput,  
sakkokartuinarpit pitiksemiglo kargjuniglo. Anguvi-  
gangit naulangillo tângâjavullonêt, ujaravullonêt.  
Kamutingit kissiovut, koarmut pattitisimajunik, koang-  
otsainarlutik. Puijenik, aiveniglo, aglangoaniglo  
kellalukanik ajoksarsongolungilat. Tachardlionerpât  
Jârib koppanga nâkasaklugo kausuipuit, ama Jârib  
koppanga nâkasaklugo nippiviongilat sekkinermik.  
Innuït tâpkoa erksinangilat; nippungadlarpulle.

### 8. Grênland,

Deninut illingajok, nunat tamakkoa illagikôral-  
loarpât, kikkertauvorle, ikkerasangmut amitomut, Mac  
Klurib ikkerasanganut ingmigôlingatitaungmat Amêri-  
kamit. Angijovaksovoktau, 7000 tuinarnigle innu-  
karassugijauvok, innôjunik Labradoremiutitut. Sekker-  
ngane itje ikublavok, tachânele piluarpok Labradoremit.  
Kattangutigêt illagêngnekarivut tagvane 6 nik, Denil-  
le ama Misseonekarivut nunamingne tamattomane.  
Niuverniernek attanermut Denemarkemêtomut illingang-  
mat, pissiniariartortokarungnangimarikpok, attaniub  
perkojangita assianik. Grênlandemiut Karâlinik taijau-  
vut, innôvullo Eskimotitut, innôgutiksarsijutekarlutik  
omajoksiormik, piluartomik puijenik.

Kablunâllo unnuktut arversioriartorput Grênlan-  
dib kannitanganut.

---

## IV. Australia.

### § 37.

Australia maggolivlugo aviktauvakpok, Kontinent, ĩmaipok: illuitok Australia, tâpsomalo kikkertangit. Sivorngane illuitok Hollandetâmik taijauvalaukpok, kikkertallo Polinesiamik, mĕnnale perkutauningane Ēnglisinut, illuitorlo kikkertallo kattilugit, taijautuinarput: „Australiamik“.

Kikkertat kellaumgujatitut maggoititut kitanêput. Illuilerdlĭt siamarsimadlarput Zoneme ônartome (§ 5, 1); tâpkoa pigiarput Guineatâmit, niunganektullo angijoksoaktut tikkiput Sêlandetâmut. Avadlĭt pigiarput Guinea-tâb tachĕne, Amêrikamut, kanningidlaralloartomut tikkoarlutik. Kikkertat tâpkoa kattilugit 640 geovut, attunillo attekarakalloarlutiktauk, kattilugit taijauvut sulle Polinesiamik.

Tâpkonangat 36 git Mailinit □ 40 ginit anginersauvut, anginerpĕglo Guineatâk Mailititut □ 52,000 tititut angitigijôvok, 8 tillo anginersauvut Mailinit □ 15 nit, assingillo kattilugit Mailinit □ 8000 tinit anginersauvut; tamaitalo kattilugit innukarput 2,500,000 tinik.

Illuilersoak Australia, Hollandetĕrlonê. Mailititut □ 560,000 tititut angitigijôvok, Europamit mikkinersautuinarlune. Jĕreme 1605 me, tapsomalo kingorngane, kikkertat, nunalo illuitok, nellekĕrdlugit nagvĕrtauvut, sukkaitomiglo illitarijauvallĭavut, akkunillo kamagijautsiangilat, piunginasugijaulaungmatta, kanningigijauluadlarlutiglo Europamit. Taimaigalloartillugole sukkaitomik nŭviovut, piluartomik Ēnglisinut, iglugasaksoatar-tunut perorpallĭajunik, piluartomik Jĕremĭt 1851 gemit. Jĕreme taĭpsomane Astralia Goldemik nagvĕrviovok angijomik. Jĕreme 1852 me Englandemut tillikliutigijaulauktok, akkekalaaukpok Paundinit 3 Millionenit unnunersanik; tagva nuna tĕmna nŭviovok akluisaraijo-

majunut unnuktunut; mânnalo kablunât Australiame 1,500,000 teovut.

Innuït, Australiamiutôkait, innukattigênut sukkônerpânut illingavut. Annorâkaratik, iglo karatik, omajokutekaratik nunametuinak, napârtunelonêt sinnisôngovut. Unnunersat kernângavut, illangit kutsuktut kernertigivut. Avatingit salluktomarît, nângit angijut kat-tangavut, kaungit pokiput, ijigik angijûk akkulliakor-tuvûk, kanningit ivjuvut, nujangit umingillo kerattajut nappavut, aglerôgik sillidlar-tûk nuitadlar-pûk, nettakoa-gik sillidlarput, tautukarput nujuartôjârlutik. Unuar-me kippisongovut kissingmut, okkiome iglotasôngovut am-meramik, kairosungmelonêt sinniktarp-ut. Nerkiksaka-sôngovut makkojungnarnerpân-ik, kopperkun-ik, kuglu-gianiglo; illâne mingeriarniar-pulle, omajoksiorlutiglo. Ikkomakatuinarput kêjûk magguk niuvarlugik. Sulli-jaksangit tamaita arnanut pijaujariakarput. Nukapitsat maggun-ik kigutairtauvut niakunginê-tunik, angutema-riokasalerpatta. Ijingit takpitomariovut, siutingillo tussatsiarmarikput; sorrusingillo illangit pokingnersauvut aglât, kablunât sorrusinginit illanginit.

Mâna innuït tâpkoatauk, Papunik taijaujut, okâ-lavio-vut piulijauvikarningin-ik operne-kut Jesuse-mut illap-tingnuluassiak, sullinaneungitorlo, illagêngekar-pogut attauseungitunik, okpertotaling-ik illungertortunik.

Austarliab omajungit takkungartaugivut. Kanguru, tuktutut angitigijokasakto-k, sâmine poksivilik piaramin-ik, pissugungnaralloartomik. Kasuar, Emulo, tingmiâk, angijoksuit, tingijungnangimarikput, sukkalidlar-marik-pulle, pissuklutik, ânanamaring-ik merkukartut nipli-angitulle nerkiksaungitullonêllo unnudlarivut: Papagai assingillo. Pissukte siggulik tingmiaktut. Iblakosek ap-kallajunik nerri-jok, kannelik kuingêngetut, kogju-it kernertat, nektoragillo kakortat, piaraming-ik amâmaktitsijut 22 git adsigêngit-ut, assingillo tataminianartut unnuktut.

Perortut, ingmin-ik perortut Australiame ingmigô-lingamarikivut. Napârtut unnuktut pappikarput nujatit-ut merkoling-ik, illangitalo anginingit sillingningillo



tatamnadlarput, kakkilautelit unnudlarput; akkurtô-songongmattalo tachalinârtitsingilat, sekkerngub ônadlarningane. Iviksukat siamarsimatsiarlutik perungilat, kippitaujattitulle. Perortuksat Europamit Amêrikamillo Australiamut nûktitaumajut, ânanâmik perorput tagvane: kakkôjaksat, Weine, Tê, Kâfê, suvloksoak Zukeriksak, kakorluktusajak, Tobakelo. Nergjutit taimainivut; tuktuvak, saugak, Horselo tuavitomik unnuksivut, nujuartutitullo kattिंगajôlutik naipitaujarêrput Australiame.

Englisit attanerusekarvikarput mâna tellimanik Australiame. Englandemêtunullo aulatsiviojungnaerput, aulatsinerublo akkingit tamaita, nunakartut Australiame nangminek sakkertipait, tâpkoalo paundinit 7 Millionenit unnunersaudlarput Jâreme attautseme.

Attanerusekarvit attingit imaiput:

1. **Sauth-Walesetâk.** Iglugasaksuit **Sidni** aulatsiviohut, innukartut 93,000 tinik. Umiakovingat **Port Jakson** ânanaudlarpok. (Jâreme 1865 me umiaksuit 1912 it kissarput tagvane. Sivorngane idluitullijut uivêhut ovunga nûtausongolaukput Englandemit, mâna tapkoa kikkertamut **Van Diemenslandemut** âtausôngovut.) Attanerusekarvik tâma 1867 geme innukalaukpok 320,000 tinik. Iglugasaksoanginit taivavut sulle: **Paramatta** innulit 12,000 tinik. **Liverpool, Goulburne, New Kastle, Bathurst**, assingillo.

2. **Queensland.** Immelitsiak: taimaimat iviksukat perotsiarput tagvane. Attanerusekarvingme tamattomane saukat, 6 Millionenit unnunersat omajokutavut. Merkungit umiaksoakut Englandemut âtauvakput.

3. **Viktoria**, taijaujuselik „**Australiamik piloridlartomik**“, perorviotsiarpok. Napârtungit poktunerpauvut sillaksoarme, illangit ittigaktitut 500 tititut. Goldemik nagvârviodlaralloarmitillugo, (Jâreme 1853 Paundititut 12 Millionetititut,) nuna perorsêviodlarpok kakkôjaksanik, Tênik, assinginiglo. Saugakutaujut 10 Millionenit unnunersavut. Iglugasaksuit aulatsiviojut **Melburnemik** attelit, innukarêrput 100,000 tinit unnunersanik.

4. **Australia sekkinerdlek**, Viktoriab kangiane, Mailititut □ 168,000 tititut angitigijok, 1834 me innukalaungimaripok sulle, attautsemiglonêt, 1867 geme 170,000 teolaukput. Iglugasaksuit **Adelaide**, 23,000 tinik

innulît, aulatsiviovut. Nuna akluidlarpok kannujarmik, akkitotomik Silberemiglo, innungille innôgutiksarsiju-tekarluarput perorsênernik каккожаксаник.

5. **Australia kangillek**, ikkinerpânik sulle innulik 14,000 tinik. Saukat merkunginik pissiniutiksakaluarput; nuna nagvârviovorle kannujarmik, akitomik, Silberemik, sabviorutiksajaniglo.

Kikkertâk Seelandetâk angijovaksovûk, ânanaud-larlutiglo. Kakkangit illangit ittigaktitut 6000 tititut poktutigijôvut, illangillo ikkomamik annitsivut. Immekatsiarpûgle, perorviotsiarlutiglo angijomik. Innungit uivêmarilaukput, innuvinektorteolutiglo; mânna attanio-vekarput perkojalingnik kablunâktitut, attanekarpulle illamingnik, illamingniglo ajokertortekalerêrlutiglo.

---

# Ingmigolingajut III inget.

## V. E u r o p a.

§ 38.

### Kamagijaksat sunatuinait Europa pitjutigilugo.

Europab nunanga tachardlerpak uivauvok, „uivar-mik tachardlermik“ taijauvok, Gradit 72 inganne sennimut. Uivak „Tarifa“ sekkinerddlerpariva, Gradit 36 ingane, sennimut. Killarparivait kakkat Urâlit, Gradit 78 ingane tukkimut, kangillerpârivalo uivak La Roka, Gradit 8 ingane tukkimut. Kiglervekarpok unane: tesser-soarmik Kaspiamik (§ 13), kakkaksoaniglo Kaukasusunik. Âne: Imarbingmik akkulliojomik. Kangiane: Imarbingmik Atlantiamik. Tachânelo: Imarbingmik sikkoliênarmik.

Europa Mailititut □ 680,000 tititut angitigijôvok. Unane kissiane illuitomut attangmat, sikjakortudlarpok, kakkaksoakarlune unnuktunik. Poktunerpângat Mont Blank, ittigaktitut 14,760 gittitut poktutigijok, pokinersaudlarpok Himalaiamit Asiamêtomit, Kordillerenillo Amêrikametunit.

Kôngit taimakasak illingagivut. Volga kôksoak anginerpâk Europame, Mailititut 1720 gittitut sivitutigigalloarpok, anginerpautsengilarle nunaksoarme. Immermigle Europa ajoksarviongilak nanelonêt, sunakajuitokaranelo. Nunangit illunakasatik Zônemêput nâmatuinarviojome (§ 5, 2). Ikkituinait kêujanartomêput, Zônelo onartok tikkitaungimarikpok. Kitâneonersak itjekarnersauvok, kangianeonersarlo kiakarnersauvok. Pe-



rortungit nâmatuinarivut, omajungillo attornadlarput innungnut, erksinartut, tokkonartotagillo ikkidlarput.

Innungit 309 Millioneovut, tagva innuit tamaita nunamêtut 5 ingat. Ummunersat illingavut Kaukasusemiunut (§ 9, 1), ikkitokasait Mongolinut (§ 9, 2).

Tirkillo, Jûdillo siamarsimajut, Finnillo Lappillo ikkitut, nellojôjut sulle, nunakartut Europab tachamaringane pinagit, Europamiut Kristusemioovut; avikivulle imâk: Katolikit Grichit 70 Millionit. Katolikit Romiut 140 Millionit. Protestantillo, ubvalo Evangeliumiut 70 Millionit.

### § 39.

## Europa sittamaulivlugo aviktauvakpok.

- I. Kikkertaujaksuit pingasut sekkinerdlit, Grâdit sennimuartut tachardlit 36—45° akkornganêtut.
- II. Nunat Europab kerkanêtut, Grâdit sen. tach. 43—54° akkornganêtut.
- III. Kikkertat, kikkertaujallo tachanêtut kangianêtullo, Grâdit sennimuartut tachardlit 50—72° akkornganêtut.
- IV. Europa killek, attavingalonêt Asiamut, Grâdit sen. tach. 45—75° akkorngane.

## I. Kikkertaujaksuit pingasut sekkinerdlit.

### 1. Kikkertaujaksoak Pirenêa.

Taimak kangillerpângat taijauvakpok. Mailititut □ 40,000 tititut angitigijôvok. Annekitokasangmik attavekarpok nunamaringmut, kakkaksoanik Pirenêanik. Tâpsoma kakkagik Malabetta, Mont Perdulo ittigaktitut 10,800 tititut poktutigijôvûk. Kangianêpok imarbik Atlantia; sekernganeporlo ikkerasak Gibraltar, kitânelo imarbik akkulek.

Kôksuit Minho, Duero, Tajo, Guadiana, Guadalquivirlo pakarput imarbingmut Atlantiamut Ebrolo imarbingmut akkulliojomut.

Kikkertaujaksoarme tamattomane attaniovekarpok maggunnik

1. **Portugal**, attanioviolaukpok sivorngane pitsartudlartomik, taimaitsungnaerpok mâna, nunagilauktamingnik Indiamelo, Amêrikamelo unnuktunik ipperaigiakalauramik. Angitigijôvok Mailititut □ 7144 gititut. Innungit 4,400,000 it, Katolikeovut. Sullijaksakaluarput perorsênermik каккôjaksanik paunganiglo niuverniernermiglo, omaringinerartauvulle.

**Lissabon**, iglugasaksoangit aulatsiviojut, innukarput 255,000 tinik, nunatsiaringnerpaukattavut sillaksoarme, kôksoarme **Tajome**.

2. **Spania**, attanioviolaukpok Portugaletut pitsartutigijomik, Jârit 400 tit mattoma sivorngane; attaniojomajulle unnuktut unatarninginut illamingnut, attaniotiviolungnermullo pitsakivallialaukpok, nunanginiglo unnuktunik aksartaulaukput, piluatomik Amêrikame. Sulle kikkertakarput Indiame, Afrikab kangianelo, Westindiamelo.

Attaniovik Spania, Mailititut □ 36,800 tititut angitigijôvok. Innungit 16,500,000 tit, Katolikeovut. Unatarosudlarput, piluatomik illamingnut. Portugalmititut innôgutiksarsijutiksakaluarput perorsênermik каккôjaksanik, paunganik, Weinemiglo. Sioraujaliorvikarput angijoksoanik, tarriumit; tamattomingalo niuviaksakarput innukattigêngnut unnuktunut.

**Madrid**, iglugasaksoangovut aulatsiviojunik Spaniame. Nunangatta kerkanêkasakput, imarbingmit kogvasiktut ittigaktitut 2000 tititut; innulît 300,000 tinik, kôngme Manzanareseme, pâlingme kôksoarmut Tâjomut.

Spania 6 siolivlugo aviktauvakpok, ingmigut taijauvlutik:

1. **Kastiliâk**. *a. Kastiliatâk. b. Kastiliatokak.*  
Saugalît unnuktunik, merkutsiariktunik.

2. **Nunat kangillit tachardlingit**, imarbiub illumuarningane **Biskaijame**

*c. Asturia*, perorviotsiarpok.

*d. Gallizia*, unatarvilik tallulingnik *Ferolemik*, *Korrunamiglo*. Tamânelo-iglugasaksoarne St. Jagome, Apostelib Jakobusib angajukliub illuvinga-inasugijauvok.

3. Nunat kangillit sekkinerdlingit, kigliojut Portugalemute.  
 e. *Leon*. Valadolit. Sallamanka.  
 f. *Estremadura*, unatarvilît tallutalingnik, Badajozemik.

4. Nunat killit, kakkaksuit Pirenêat sekkerngâne.

- g. Nunat Baskat (= Basket nunangit). Iglugasaksuit: *Vittoria*, *Bilboa*, *San Sebastian*, assingillo.  
 h. *Navarra*, iglugasaksuit aulatsv. *Pampelona*.  
 i. *Arragonia*, iglugasaksuit aulats. *Saragossa*.  
 k. *Katalônia*, iglugasaksuit aulatsv. *Bazzelona*, innulît 460,000 tinik.

5. Nunat killit, imarbiub akkülliojub kiglingane.

- l. *Valenzia*, iglugas. aulats. *Valenziamiktauuk* attegit, angijomik sennavekarput Saidemik.  
 m. Nunab tâpsoma kitânêput kikkertat *Ballearit*, umiakovitsiarnerpât imarbingme akkulliome.  
 n. *Murzia*, iglugas. aulatsv. *Murziamiktauuk* attegit innulît 88,000 tinik.  
 o. *Granâda*, iglugasaksuit aulatsivigijangit *Granadamiktauuk* attekartut, innulît sulle 70,000 tinik, angijovaksolaukput *Maurit*\*) attaningitta nelliuningine.

6. Guadalkvivirib nunangit.

- p. *Andalusia*, nunatsiangonerpâk Spaniame. Iglugasaksuit aulatsivît *Sevilla*, innulît 120,000 tinik, Tôbakeliorsvilît anginerpânik Europame. Kikkertame, kangerdluârsungmut nunamaringmit avitaujomêput iglugasaksuit *Kadize*. Unatarvik talluliorsimajok, sôgonerpaukattaujok sillaksoarme, niuerviolarmiglo angijomik, piluartomiktauuk sioraujanik.

Unatarvik talluliorsimajok *Gibraltar* sôgojoksoak, uivarme kairtotuinaujome, Englisinut illingavok.

---

\*) *Maurit* tâpkoa, Muhamedekunut illingajut, Arabiamit tikkilutik, Jâreme 711 me, Spaniamiut Kristusemut okpertut unatariartorpait, salagivaillo Jerezeme. Taimangat attaniovikalaukput angijomik Spaniame sekkinerdlirme, Jârit 700 tit navlugit. Iglugasaksuit aulatsivigilauktangit *Granâda*, innukarlaukput taipso mane 400,000 tinik. Tagvanêpok sulle attanersoarilauktangatta igloksoarilauktanga, *Alhamramik* taijaujok, ananâvaksôjok. Spaniaminut okpertunut, salagijaumarilaukput 1212 me, tagva unnunersat utterlaukput nunamingnut Afrikamut, amiakungit Kristusemiut illagilerpait.



## § 40.

## 2. Kikkertaujaksoak Italia.

Kakkaksuit Alpenik taijaujut, poktunerpauvut kakkanit tamainit Europamêtunit. Pigiarpuit Suisse, Fransiamelo (Frankreichemelo), nâvullo Italiame Austria-melo. Pokinersat ittigaktitut 5000 tit tikkilugit, poktutigijôvut. Akkulit ittigaktitut 8000 tit tikkilugit, poktunerpâllo ittigaktitut 14,000 tit tikkilugit poktutigijôvut. Tâpkonangat illangit apputekainarput, sermekalarmiglo aujuikomik. Nuna innigijangat Mailititut □ 24,000 tititut angitigijôvok, nunagijauvorlo innungnut unnuktunut, piluatomik nergjutekutekartunut unnuktunik.

Kikkertaujaksoak Italia kakkaînaukasakpok. Alpit senningatuinartillugit tachane, kakkaksuit Alpenînit nâvât tukkiagut. Tâpkonangat illangit ittigaktitut 9000 tititut poktutigivut, aglât tappekarlutik.

Italiab kôksoanginit taituinarpavut: Tiber, Arno, Pô, Gariglianolo.

Italia nunauvok ânanaudlartomik. perorviodlarlar-melo paunganik pivianadlartunik unnuktunik. Iglugasaksoangit Rôme aulatsiviolauput innukattigênik unnuktunik itsannenit; mânia Katolikit ajokertuineroringatta Papstemik taijaujub nunagivait. Tâмна ingminik Kristusib simmertinganik nuname taingmat, (aglât Kristusemiut illunatik niakunganik, nuname sakkijartomik,) Rôme angijomik taijauvok sulle innukattigêne illûnainekasak.

Mattoma sivorngane attaniovît attaniovîârutsillo, aulatsivîllo unnudlarlaukput Italiame, tâpkoale tamaita mânia illagêktitaumavut attautsemut, taijaulertomut „Attaniovîngmik Italiamik“. Attaniovik tâмна innukarpok 27 Millionenik.

Attaniovît, attaniovîarutsillo pijariakortunersat, sivorngane ingmigôlingalauktut, illagêktitaumajulle mânia, attingit imaiput:

**Sardinia**, innulik 4,000,000 nenik.

**Lombardia**, „ 3,500,000 tinik.

**Modêna, Parma, Romagna**, kattilugit 2,148,000 nik.

**Toskâna**, innulik 2,000,000 nenik.

**Umbria**, innulik 500,000 tinik.

**Sicilia-Neâpel** innulik 10,000,000 nenik.

Papste attaniolaurivok, nunamut illingavlune, nunagilauktâgigle: Romagna, Umbrialo, illagêktitaumagivûk mâнна attaniovingmut Italianut; tagvanelo Rôme ama iglugasaksoangogivut aulatsivingnik. Rômemelo Pâpste igloksoavapâkarpok „Vatikanemik“ taijauvatomik. Tagvanêgivoktauk kattimaviksoak anginerpâk sillaksoarme, Petrusib Paulusiblo pingangnik taijaujok.

**Italiab kikkertanginit** sittamat taijaksauvut.

a. **Sizilia**, attaniovik, Neapelemut illingajok. Mailititut ☐ 2124 gititut angitigijok.

b. **Malta**, Italiab sekkerngane Mailititut ☐ 24 gititut angitigijok, Englisinut illingavok. Unatarviovok talluliorsimajomik sôgojoksoarmik.

c. **Sardinia**, Mailititut ☐ 1760 gititut angitigijok, attaniovilauktomut Sardiniamut illingavok.

d. **Korsika**, Sardiniab tachatuinanganêpok. Fransinut illingavok, innulik 250,000 tinik Napoleonib I. sib innulervigilauktanga.

## § 41.

### 3. Balkânit kikkertaujaksoangat.

(*Tirkillo Grîchillo kikkertaujaksoangat.*)

Kikkertaujaksuit pingajungat, (§ 39, I.) atserar-tauvok kakaksuit Balkâninik taijaujut malliklugit. Kakkat tâpkoa avaluksoatut illingavut nunat taijaujut tachâne. Kikkertaujaksoak tâmna Mailititut ☐ 22,120 gititut angitigijôvok, innukarlune 10 Millioneôkasak-tunik Poktunerpangat ittigaktitut 9000 tititut poktutivok. Kakaksuit tâpkoa avatekarput unnuktunik aunga torartunik, ingmigôlingatitsijuniglo nunanginik sunatuinarnik, nâkattarpullo imarbingme kikkertaulutik.

Kikkertaujak Morêa, angijub sekkernganêtok, attavok tâpsomunga Korintib itiblinganut, kakkangille ingmigôlingavut.

Kikkertaujaksoak tâmnatauk, pijariakortujunik pijokarviolaukpok itsane. Sekkerngane Grîchetokait, angijomik illisimadlarlauktut nunakalaukput. Tâpkoa pikaringnerpauvlutik, illisimanerpauvlutiglo innukattigêngolaukput, sâlagijaukâratik, nunangallo nangmineri-jaukârtinago Rômiunut, Jâreme 146 me Kristusib innulerviatta sivorngane. Rômiulletauk nunanginik aksartaularaukput Tirkinut, Jârit 1300 dekasait Kristusib innulerviata kingorngane. Tirkit mâнна pitsarkititaugalloarivut, nunangille Europame, Asiamelo, Afrikamelo sulle Mailititut □ 360,000 tititut angitigijôvut, innukarlutik 41 Millionenik.

### 1. Grîchit nutât nunangat.

Grîchit attaniovekarivut mâнна Balkanit kikkertaujaksoangatta sekkerngane, aksarnigarijamingnik Tirkinut, Jâreme 1821 me. Mailititut □ 3640 gitititut angitigijôvok, innukarlune 1,350,000 tinik. Pingasolivilugo aviktauvakpok:

#### a. Nunat illuitomêtut.

Tagvanêput iglugasaksuit aulatsiviojut Athên innulit 50,000 tinik. Umiakovilît ânanâmik, Pirêusemik attelingmik.

b. Kikkertaujaksoak Morêa, nunamaringmut attavilik Korintemiut itiblersoanganik.

#### c. Kikkertat sekkerngane.

Negroponte anginerpauvok. Heidra, Mailititut □ 8 tuinaktitut angitigijok, innukarpok 50,000 tinik; tapkoa umiaksoakutekarput 400 tinik.

### 2. Tirkit nunangit Balkanit kikkertaujaksoangane.

Mailititut □ 17,360 gitititut angitigijôvut, innukarpullo 6,500,000 tinik.



a. **Rumélia.** **Konstantinopel**, attanersûb, **Sultanemik** taijaujub iglugasaksoakotigijangit innukarput 1 Millionenik. Nunangat ânanaunerpaukattauvok nunaksoarme.

b. **Mazedônia.** Iglugasaksuit **Salonichi**, (sivornthane Tessalonich,) innulit 70,000 tinik, angijomik niuerviodlarput, kittâneminut kangianemiullo perkutinginik.

c. **Tessalia.** Iglugasaksuit aulats. **Larissa.**

d. **Albania.** Iglugasaksuit aulats. **Janina.**

Urane tachânepok attanioviârsuk **Montenegro**, innulik 120,000 tinik, Kristusemiôjunik, Tirkinut unatarvokattartunik, sivurajuitunigle.

e. **Kikkertat** unnuktokasait Tirkinut illingajut akkornthane, **Kandia**, innulik 100,000 tinik, anginerpauvok. Tâmnauvok aglangne hailigine **Kretamik** taijaujok.

3. **Attaniovik Dalmatia** kiglivok sekernthane imarbingmut. **Austriamut** illingavok. Mailititut □ 920 gititut angitigijôlune innukarpok 500,000 tinik.

Nunat tâpkoa illûnatik perorviovut ânânâmik как-  
кôjaksanik, paungatsianiglo napârtutsiane; innungillo  
nergjutekutekarput unnuktunik.

## II. Europab kerka.

### § 42.

**Nunat kôksûb Donaub akpasimaningâne.**

Kôksoak, Europab kerkagut, pangat ununga kôk-  
tok, attekarpok **Donaumik**. Nunat puailavingata kan-  
nitanganêtut, Germaniamut illingajut, okautigijauniar-  
put § 47, 1 taikârpavut pâkasanganêtut, akpasiktut.

Nunat tâpkoa Mailititut □ 40,400 tititut angitigi-  
jut, innukarput 23 Millionenik, illagêngungitunik, attan-  
iovingmullo attauseungitomut illingajunik.

1. **Attaniovik Ungaria**, attanioviaruserlo **Sorsuk-**  
tuksakarvingmik (*Militärgrenze*) taijaujok pekassiutilugo,

Mailititut □ 17,200 tititut angitigijôvok, innukarlune 12 Millionemik, abvakunut sunatuinarnut illingajunik. 5 Millionit Katolikeovut Romiunik, 2 Millionit Protes-tanteovut, assingit Katolikeovut Grîchinik. (§ 10, 6.)

Ungariamiut attanekarput Austriamiut attaningan-nik, nunâgle tammarmik attanioviovut atautsemik.

**Presburg**, innulît 45,000 tinik, aulatsiviolauput si-sorngane, mânna annerijauvut iglugasaksuit

**Ofen**, Donaub sikjangane sekkinerdlirme, unatarvît talluliorsimajut, innulît 58,000 tinik.

**Pest**, iglugasaksuit kôksûb akkianetuinak tachâne, innukarput 200,000 tinik, niuerviodlarput angijomik.

Attaniovik **Sorsuktuksakarvik**, Ungariamut illingatitau-marikpok mânna, innukarpok 1 Millionenik.

2. Attaniovîk Kroatia, Slavonialo, Austriamut illingamarikpûk mânna, kôksuit Drau, Donau, Sauelo akkornganêpûk, kattilugik innukarpûk 962,000 tinik, Katolikeînaukasaktunik. Iglugasaksoangit

**Agram**, innukarput 18,000 tinik,

**Essek**, unatarvilit talluliorsimajunik, 15,000 tinik.

**Fiume**, imarbiub akkuliub kangerdlungita illanganne, niuerviodlartut, innukarput 17,000 tinik.

3. Angajokaksoakarvik (Grossfürstenthum) Siebenbirgia.

Mailititut □ 3816 ittitut angitigijok, innukarpok 2 Millionenik, abvarêngnut sunatuinarnut illingajunik, Rumaninik, Ungarinik, Szeklerinik, Saksiniglo.

Okperijaksat pitjutigallugit aviksimadlarivut ingmi-gôlingajunut unnuktunut

Iglugasaksuit aulats. **Hermanstadt**, innulît 21,000 tinik.

**Klausenburg** 25,000 tinik. **Kronstadt** 32,000 tinik.

II. Tirkit nunangit, nunallo Jârine tainaine akkillêgia-kartut Zinsinik Tirkinut.

*Mailititut □ 19,680 gittitut angitigivut, innukarlutik 9 Millionenik.*

1. Bosnia, Mailititut □ 4240 gititut angitigijok, innulik 1 Millionenik, каккакарпок unnuktunik.

Iglugasaksuit aulats. **Bosna-Serai**, inukarput 70,000 tinik.

2. Serbia, Mailititut □ 4000 tititut angitigijok, innulik 1 Millionenit unnunersanik, Tirkinut akkillêgiakartuinarput.

**Kragujevaz** aulatsijub iglugasaksoakutigivait.

**Belgrad**, unatarviksoak talluliorsimajok innukarpok 35,000 tinik.

3. Bulgaria Tirkit nunagivât, Balkânit tachânêpok, Donaub pânga tikkilugo. Mailititut □ 6640 gititut angitigivok, innukarlune 3 Millionenik.

**Sofia**, iglugasaksuit aulatsiviojut innukarpok 30,000 tinik. Taijaksauvut unatarvingit sôngojut talluliorsimajut.

**Schumla**, Balkânine. **Rustschuk**, **Widdinelo**.

**Sillistria**, assingillo Donaub senniane, **Varna** imarbiub kernertab senniane, kitâne.

4. Valachia, Moldavialo, Donaub akkiane tachâne, kattilugik Rumêniamik taijauvûk.

Ingmigut attanekarpûk, Zinsinigle akkilêgiakarpûk Tirkinut. Mailititut □ 8788 gititut angitigivûk, innukarpûglo 4 Millionenik.

a. **Valachiame**, **Bukarest** iglugasaksoangovut aulatsiviojunik, attaniublo iglokarvigijanginik innukarpok 184,000 tinik.

b. **Moldaviame**, **Jassi** iglugasaksoangovut aulatsiviojunik, innulît 70,000 tinik. Iglugasaksuit **Galaz**, Donaub senniane, innulît 30,000 tinik, niuverviodlarput.

Russit unatarkârdlutik Tirkinut, Jârine 1877 me 1878 melo, nunat tapkoa illangit Tirkinut illingajungnaertitaumarilaukput, attaniotiviolerput mâнна attanermut annerilauktamingnut; assingillo akkilêgiakarungnaerput Tirkinut.

## § 43.

**Fransia** = **Fransit** nunangat. (Frankreich.)

Donaub panganit Europab kangianut aigupta, Germania ketterariakarpavut; tâmnale kingorngane ingmigut okautiginiaraptigo, savigikârpavut



## Attaniovik Fransia.

Kiglilervingit imaiput. Sekkerngane: imarbik akkulek. Sekkerngata kangiane: kakmaksuit Pirenêit (§ 39 I, 1.) Spaniab Fransiablo akkorngangne. Kangiane: imarbik Atlantia. Tachâne: ikkerasaksoak Englandib Fransiablo akkorngângnêtok. Kitânelo: nunat Belgia, Luksemburg, Germania, Suisselo.

Fransia nunauvok akluinerpaukattaujomik. Kêujarnaranelo, ônarluadlangilak. Paungatsiat, Weineliksallo napartungit perotsiamarikput tagvane. Sekkerngane, aglat napârtok orksuliksak perorpok, aubvek, Saidemik sakkêjok, pairijauvekarpok Maulberit napârtunginik. Niuviaksaliiorviovok angijomik, niuverniarnermullo imarbiub kiglinganêninga idluadlarpok. Kakkakarpok unnuktunik, kôksoaniglo ajoksangilak.

Mailititut □ 39,400 tititut angitigijôvok inukarlune 38 Millionenit unnunersanik. Umunersat Katolikeovut, Protestantit 1,500,000 tuinauvut, angijomik unangmijaukattarlaungmatta, tokkotaulutiglo Katolikinut.

Sivorngane attanekalaukput Koeniginnik. Tapkonga pikaplarkârlutik, piluartomik 1789 me, (1793 me Koenigingat niakoertaulaukpok,) tagva Republikeôlilaukput, Kaiserekakâratik Napoleonemik I. mik. Tapsoma kingorngane attanekalaurivut Koenigemik, Jâre 1848 tikkilugo. Tagvane pikablarkârmilutik Republikeolaukput ama 1851 tikkilugo. Tagvangat attanersoakalaukput Napoleon III mik, Jâre 1870 tikkilugo. Taimangat mâнна ama Republikeovut.

**Kikkertamik Fransiamik** taijauvok nuna kôksuit Seinib, Marnib, kôlervingit ingmigut, illagêlerkârtinnagit Fransiab kerkanekasak. Tagvanêput iglugasaksuit aulatsivigijangit **Paris**, innukartut 1,825,000 tinik. Tâpkoa kaivallartaujarianga unatarvît pekassiutilugit, sivitutigivok Mailititut 20 gititut. Illumajaumarilauk-pulle Germâninut, Jâreme 1870 geme, 1871 gemelo.

**Versailles**, Parisib sekkerngane kangiane, sivorngane attanit iglugasaksoakotingit innulît 44,000 tinik.

**Nunat ikkerasaksûb kitâne** unatarvekarput tallulior-simajunik unnuktunik, taituinarpavut: **Lille**, innulît

155,000 tinik, **Arras**, 28,000 tinik, **Amiens**, 28,000 tinik, **Cheerburg**, umiakovik Manugânginut (= man of waringinut), innukarput 75,000 tinik, assinginiglo unnuktunik.

Kitâne nunâk Elsass, Lôtringiblo illanga Fransit Germaniamit sivorngane tigulauktangit, innugikârlauktanginut utteriakalaukpûk 1871 me, unatarvilik songojoksoângnik, talluliorsimajungnik **Strasburgemik Metzemiglo**; sivorlek innukarpok 85,000 tinik, kingorlek 57,000 tinik.

Nunâk tapkoa kangianêput iglugasaksuit **Sedan**, **Napoleonib III** ib sorsuktuksakotingitalo sâlagijaumarivigilauktangit parngnanaersimajungortitauvigilauktangillo Germaninut, Septembereme 2 me, 1870 me.

### III. Europa tachardlek.

#### § 44.

#### **Britaniavaksoak Irlandelo** (Englisetut Airlandelo).

Nunaksûb Europab illuitub kangiane, kikkertakarpok Mailititut 480 gititut takkitigijomik, taijaujomik Britaniavaksoarmik. Sillingnerpauninga sekkernganêpok, aminerpauninga kerkanêkasak. Mailititut 52 gititut silliktigijôvlune. Tagvane attaniovik England kiglilervekarpok ângat, attanioviglo Scotland avangat. Kikkertaksûb tâpsoma kangiane kikkertakarivok mikkinersaumajomik, taijaujomik „Irlandemik“. Kikkertat mikkijut unnuktokasait, angijûk avatinginêput. Illûnatik kattilugit Mailititut □ 22,800 tititut angitigivut, innukarlutik 30 Millionenik.

Englandelo Irlandelo, Jârib 1200 tib kannitangane, illagêktitaulaukpûk. Englandelo Scotlandelo Jârib 1600 tib kingorngane; taimangalle pitsartuninga angijororpallialaukpok, piluatomik aulatsininga imarbingme. Nunangit tamaita kattilugit, attaniovik India pekassiutilugo, nunangit Mailititut □ 832,000 tititut angitigivut, innukarlutik 175 Millionenik, innuit illûnatik nunametut 9 ingat. Niuverniarnek anginerpauvok Englandeme, niuviaksaliornerlo. Attanek at-

taniotinermine, issumaksarsiorkattekarpok angutini in-  
nuugnut annerijaujuuk, Parlamentemik taijaujunik.

1. England, Mailititut □ 10,972 gittitut angitigi-  
jok, innukarpok 20 Millionenit unnunersanik. Unnu-  
nersat Protestanteovut, Katolikille unnudlarivut. Nag-  
vârviodlarpok kannujarmik, kussersiamik, akkitomik,  
sabviorutiksajanniglo perorviotsiarporlo, piluatomik  
kakôjaksaniglo iviksukaniglo.

**London**, iglugasaksuit aulatsiviojut innukarput 3 Mil-  
lionenit unnunersanik, Mailititut 8 tititut tukkimututi-  
givot, Mailititullo 4 ittitut sennimututigivot, kôksûb  
**Temsib** senneragingne tamangne. Londonemiut umiak-  
soakutekarput 5000 tinik, 30,000 tillo tikkiput aular-  
pullo Jârine tamaine. Illiniarvît 1650 ginit unnuner-  
saut. Londonib kannitakasanga karngasorviovok sorlo,  
iglugasaksoarnik iglugasangniglo.

**Liverpool** (kangiane), innulît 500,000 tinik. Londone-  
mit niuvervioneकिनर्सautuinarput.

**Manchester**, innulît 484,000 tinik kakorlutoliorvio-  
nerpât

**Leeds**, innulît 236,000 tinik, taimakasaktauk.

**Birmingham**, innulît 352,000 tinik, kikkianik sunatui-  
narnik sennavioluarput.

**Sheffield**, innulît 223,000 tinik, kikkianik sunatui-  
narnik, sennavioluarivuttauk, piluatomik sakkunik.

2. Scotland, Englandib tachâne, innukarpok  
3,200,000 tinik. Kakkakarnersauvok Englandemit.  
Tachâne unnunerpaugalloartillugit, poktunerpâk „Ben  
Nevis“, ittigaktitut 4000 tititut poktutigijok kerkanêka-  
sarpok. Nuna tachardlek perorviotsiangimat, innuit  
tagvanêtut mingeriarniarnermik innôgutiksarsivekarner-  
saut, piluatomik kavisilânik. Scotlandemiut illû-  
nakasatik Protestanteovut.

**Edinburg**, iglugasaksuit aulatsiviojut, kôksûb Forthib  
sennianêtut, innukarput 200,000 tinik.

**Glasgow** anginersaujut innukarput 450,000 tinik,  
innôgutiksarsivekarluartunik niuvernarnermik niuviak-  
saliornermiglo.

Taimainivuttauk iglugasaksuit **Perth, Aberdeen, Dundee,**  
**Iverness**, assingillo.



Kikkertat **Hebridit**, Scotlandib kangianêput. Orknît tachânetillugit kangiane.

Ama tâpkoa tachâne **Shetlandib kikkertangit**. Kikkertane kannitarêngne tâpkonane pingasuine illûnaine mingeriarniarnek innôgutiksarsijutiksauluarpok. Mittît auktortangit (ivavingit) unnudlarmattatauk tagvane, kunigoit niuviaksarigivaittaauk.

3. Ireland. Mailititut □ 5620 gittitut angitigijok innukarpok 6 Millioneokasaktunik, Katolikeinaukasaktunik. Kikkertak sikjangatta kannitakasangane kakka-karpok attautijunik unnuktokasangnik, ittigaktitut 3000 it tikkilugit poktutigijunik. Illâne nuna manniktôkasapok, tessersoakarlune unnuktunik, tapkonangat unnuktut attajigêktitauvut kôksoarmut Shanonemut, unnuktutigut kôktomut. Kangerdlut unnuktut, nunab illuanut kanningitomot illingavut.

**Dublin**, iglugasaksuit aulatsiviojut innukarput 320,000 tinik. Angijunik iglugasaksoangogivut:

**Belfast**, innulît 120,000 tinik, **Waterford** 50,000 tinik, **Cork** 80,000 tinik, **Limerik** 58,000 tinik.

Cork pissivioluarput Butteremik, Porkemik, Beefemiglo.

## § 45.

### Kikkertaujaksoak Skandinavia. Sweden, Norvegialo.

Mailititut □ 56,000 tititut angitigijôvok. Sweden kitânêtok, Mailititut □ 32,100 tititut, Norvegialo kangianêtok Mailititut □ 23,200 tititut.

Nuname angijoksoarme tamattomane innukarpok 5,775,000 tinik. Tessersoakadlarmat, imaksukadlarlunelo, kakka Karlunelo kairtunik, nunab 10 tuinangat perorvionjungnarpok. Kakkat attautijut, nuna nâvât, sekkernganit tachâ tikkilugo, illainangille attekarpot, illânelo kiglivut nunâk akkorngângne. Kakkat poktunerpangat „Skages töl-Tind“, ittigaktitut 7600 tititut poktutigivok.

Innungit abvarênut Germaninut illingavut. Tachardlerpât, nergjutekutekartut tuktunik kemmusûnik

Lappinik taijauvut. Illangit kausuitut okkiub illangane, nellojôvut sulle.

Attaniovîk tanmarmik ingmigôlingajunik perkojakkaralloarpûk, attanekakattigêkpûgle attautsemik.

1. Attaniovik Sweden, Mailititut □ 32,100 tititut angitigijok innukarpok 4,200,000 tinik. Pingasôlivlugo aviktauvakpok. Gôtland, Sweden, Norland. Kingorlek angitigigalloartok sivorlîktitut kattilugik, ikkitomaringnik inukarpok, tachardlerpaungmat.

**Stokholm**, iglugasaksuit aulatsiviojut, tessersûb Malarib kôngatta (pakartub imarbingmut,) senniane, innukarput 140,000 tinik. Tapkoa tachânêput iglugasaksuit

**Upsala**, illiniarvilît illisimanersoarnik. Kakkallo kannitakasangane ittersalliortaujut, nagvârviovut Silberemik kannujarmik, kikkiangmiglo.

**Götenburg**, Götlandeme, innukarpok 57,000 tinik, niuverviodlarput, piluatomik kitânemiunut Russinut.

**Karlskrona**, innulik 17,000 tinik, Swedenib Manugâkotingita (= man of warkutingita) umiakovingat.

2. Attaniovik Norvegia, Mailititut □ 23,200 tititut angitigijok, innukarpok 1,800,000 tinik. Nuna tachapassidlarmat perorviotsiangilak, innungillo ikkinersat, innogûtiksarsijutiksakarput perorsênernmik, omajokute-karnermiglo. Unmuktut ôgarniarteovut, kavisilânarteolarmiglo.

**Kristiania**, innulît 66,000 tinik, iglugasaksoangovut aulatsiviojunik. Tapkoa kangiane iglugasaksuit

**Kongsbergib** kannitangane ittersalliorvekarpok Silbersiorvingmik. Iglugasaksuit

**Bergen**, innulît 31,000 tinik, niuverviodlarput pipseâlungniglo kavisilâniglo.

**Drontheim**, innulît 20,000 tinik. Tapkoa tachardlingit imarbingmit kissiane inugûtiksarsivekarput; mingeriakadlarporle, piluatomik kikkertat Lofoddit akkorngane. Tâpkoa sekkerngane kaivitoksoakarpok kaiviarvingmik imarbingme nangianadlartomik, aglât umiaksoanut.

## IV. Europa killek.

### § 46.

#### Pôland, Prussia, Russia.

Nunat sivitujoksuit tapkoa Asiamit ingmigôlinga-titauvut kakkaksoanut Urâlinut (§ 13). Ane: каккак-  
soanik Karpâtinik kiglilervekarput, kangiane: nunamik  
kôksoâk Weikselib Oderiblo akkorngângnêtomik, ava-  
nelo imarbingmik sikkoliênarmik.

Nunane tâpkonane angijoksojune kakkakangilak  
attarutijunik, kôksoakarporle angijunik unnutunik, tai-  
tuinarpavut: Weiksel, Pregel, Dina, Narowa, Newa,  
avunga kôktut, aunga kôkput: Don, Wolga, Dnjepr,  
Dnjestr, assingillo.

Nunane tamakkonane innuit 70 Millionit innôvut,  
Germanit, Russit, Pôlit, Mongôlit, Tartârillo. Nunat  
tapkoa illingavut Russiamut Austriamut Prussiamullo.

Prussiamut (Preusenemut) illingavut: nunâk Prussia  
killek, Prussialo kangillek, Posenelo. Mailititut  
□ 6800 tititut angitigivut, innukarpullo 3,500,000 tinik.  
Illangille Germaniab nunanginut illingangmatta, okau-  
tigijauniarput kingorngane.

Austriamut illingavut:

a. Attaniovik Gallizia, Lodomirialo; angajokâkso-  
akarvîllo Krakau, Auschwitz, Zatorelo.

b. Angajokâksoakarvik Bukovina, kôksûb Prutib  
senniane. Nunat tâpkoa kattilugit, Mailititut □ 6440  
gittitut angitigijôvut, innukarpullo 5 Millionenik, un-  
nuktut tâpkonangat Judeovut (Israelitit).

Iglugasaksuit **Lemberg**, aulatsiviojut Galiziam, innu-  
karput 73,000 tinik, Tapkonangat 15,000 tit Judeovut.  
Unnudlarivut iglugasaksoarne Brodime, innukartune  
30,000 tinik.



## Attanioviksoak Russia,

nunaksûb 9 inganik nâjimavok, Mailinik □ 1,200,000 tinik. Innukarpok 77 Millionenik, tâpkonangat Millionit 67 git Europamêput. Abvarênut sunatuinarnut, okperijaksakartunullo sunatuinarnik illingavut. Pôlandemiut Katolikeovut Romiunik. Russemarît Katolikeovut Grîchinik. Nunane, imarbiub Baltiab kiglinganênut, Germâninut illingavut, Protestanteolutiglo (§ 10, b).

1. Russia iglugasaksoakarpok aulatsiviojungnik maggungnik. Nutaungitut **Moskau**, nunab kerkanênut, Asiamiuut iglugasaksoangittitut illingakasakput. Nutât, **St. Petersburg**, igloliortaulertainarlaukput 1703 me, attanermut, Petersoarmik taijauvaktomut. Kôksûb Nêvab pângata kannitanganêput, innukarpullo mâнна 550,000 tinik, tâpkonangat 50,000 tit Germaneovut. Moskaumiut 352,000 teovut, kattimaviksoalît 300 tinik, illanginik nuvgoserlingnik, Goldemik kallinekartunik. Attanersuit igloksoangat **Kremlenik** taijak, ânanâvaksôvok.

2. Russit nunangit imarbiub **Baltiab** sennianênut imaiput:

- |                          |             |         |                         |         |         |        |
|--------------------------|-------------|---------|-------------------------|---------|---------|--------|
| a. <b>Kurland</b> ,      | iglugasaks. | aulats. | <b>Mitau</b> ,          | innulît | 23,000  | tinik. |
| b. <b>Livland</b> ,      | "           | "       | <b>Riga</b> ,           | "       | 102,000 | "      |
| c. <b>Ëstland</b> ,      | "           | "       | <b>Rêvval</b> ,         | "       | 30,000  | "      |
| d. <b>Ingermanland</b> , | "           | "       | <b>St. Petersburg</b> . |         |         |        |
| e. <b>Finnland</b> ,     | "           | "       | <b>Helsingfors</b> .    |         |         |        |

3. Attaniovik **Pôland**, (Polen,) sivorngane attaniovio-laukpok angijomik, ingmigut attanekalauktomik. Ingmingnulle unatatsainarmatta, Russillo, Austriamiullo, Prussiamiullo avilaukpât pingasôlivlugo, attaniov-ingmingnullo illaliutillugo. Russit pijangat Pôlenemik taijau-luarpok. Iglugasaksuit aulatsivigijangit tagvane **Warsaumik** attekarpot, innulît 245,000 tinik, tâpkonangat 50,000 tit Judeovut.

4. **Litauen**, akkunîkasak Russiamut illagêksimavok. Iglugasaksuit aulatsiviojut **Wilna**, innulît 70,000 tinik, abangit Judeovut.

5. Nunat imarbiub kernertab senniane:

**Bessarabia**. **Krimlo**. Tagvanêput iglugasaksuit unatarviglo talluliorsimajok songojoksoak **Sebastopôl**.

6. **Kaukasus.** Каккаулутик тайяуярêрput § 13, I, nunalle tâpkoa, kannitanginetut тайяувуттаук Kaukasusemik. Innungit „**Tscherkessit**“, salauganêlaukput Russinut. Muhamedekunnut illingangmatta, unnuktut Tirkinut numarilaukput, nunangat Russinut pigijaumarilermat Jâreme 1864 geme.

Iglugasaksuit aulatsiviojut Kaukasuseme **Tiflis**, innukarput 61,000 tinik.

7. Kikkertak angijok, **Nova Semblja** Europab tachânêtok, innukarmaringilak, okkêviovakporle pissuktesior-tunut, terrianniat, pissuktillo tâpkoa assingit unnudlarmatta tâvane.

---

# Ingmigôlingajut IV ingat.

§ 47.

## Germânia. (= Deutschland.)

Germânia Europab kerkanêpok, sorlo omattinga. Mailititut □ 52,000 tititut angitigijôvok.

Germâniab nunangit kattilugit maggôlivlugit taijauvakput: Germânia kogvasiktok, Germânialo akpasiktok. Kogvasingninga sekkernganêpok, kakkaksoangit attautijut, poktunerpât sekkernganêmatta, nunalo akparpalliangmat imarbik tikkilugo, avunga unungalo.

Kakkangit poktunerpât, Alpit (§ 40) tachardlingit, (tâpkoa sekkinerdlingit Suissemut Italiamullo illingavut,) ittigaktitut 10,000 it tikkilugit, poktutigivut, kakkat avanênersat illunatik pokinersauvut. Konginit tai-tuinarpavut umiaksoakut umiakotôkullo umiaktorviojungnartut.

Donau, puailavekarpok Germâniab kogvasingningane, pigiarnermine kissiane kôkpok Germâniamê, ununga Ungariakut, Donaublo nunangittigut, akpasiktutigut, pâkarporlo imarbingmut kernertamut. Germâniab nunangittigutuinak kôkput kôksuit: Rhein, Weser, Elbe, Oder. Kakkat puttumakôrpait, pakarpullo „Rhein, Weser, Elbe“, Germâniab imarbinganut, Englandib Germâniablo akkorngângnetomut, (§ 6, 6.) Oderelo Baltiab imarbinganut. Kôngningita sivituningit imai-put:

|               |            |      |           |
|---------------|------------|------|-----------|
| <b>Donau:</b> | Mailititut | 1460 | gittitut. |
| <b>Rhein:</b> | „ „        | 720  | „         |
| <b>Elbe:</b>  | „ „        | 640  | „         |
| <b>Oder:</b>  | „ „        | 480  | „         |
| <b>Weser:</b> | „ „        | 280  | „         |



1. Donau puailavekarpok Donaueschingeneme, Badeneme, pâkarviovok kôngnut sennerkitinut Brege-mut, Brigachemullo. Ulmemelo pâkarviomilune Illere-mut umiaktorviojungnarêpok. Kôngningane Bavaria-kut, pâkarviokok kôksoanut Illeremut, Lechemut, Isare-mut, Innemut, tâpkoalo assinginut. Ungariab kiglika-sangane, pâkarviovok sulle, kôksoarmut Marchemut, kôktomut Moraviab kakkanginit Sudetenit. Pâkasang-minelo imarbingmut kernertanut, avikpok pingasôliv-lune.

2. Rhein. Germâniab kôksoangita ânanaunerpâ-rivât, angininga, kôtsiarninga, senneratsiagiglo Weine-likssatalik pivlugit.

Kakkaksûb St. Gotthardib aksangajângane pi-giarnekarpok kôkullungnik unnuktokasangnik. Kô-kârlune ununga, sangulerpok avunga, kôkporlo tesser-soakut Bodensêkut, Mailititut 30 gittitut sivitutigijokut. Tapsomangat annivok Konstanzeme. Sakkertitsivok korlortoksoarmik, ittigaktitut 60 gittitut poktutigijomik Schafhauseneme, pâkarviovorlo kôngnut kôksoanullo unnuktunut, kôkporlo nunatsiattigut perorviotsiattigut, iglugasaksoattigullo ananaujutigut unnuktutigut, sorlo: Strasburg, Mannheim, Worms—. Mainz, Koblenz, Neu-wied, Bonn—. Koeln, Duesseldorf, Wesel. Tagvangat kôksoak avikpok, kôngnut unnuktokasangnut, Hollan-demelo pâkarpok Germâniab imarbinganut.

3. Elbe, puailavekarpok „Innupaub kokkangine“ (Riesengebirge, Rübezah!,) Schneekobib, (imaipok: Nessaliub appumik) kannitakasangane. Kôngnermine Germâniab imarbinganut, pâkarviovok kôngnut kôksoanullo unnuk-tokasangnut. Pijariakortunersat attingit imaiput: tal-lerpianit, Iser, Elster kernertak, Havel, Spree, Ster, saumianit: Adler, Moldau, Eger, Mulde, Saale, assingillo. Kakkat sunatuinait naksangittigut kôkârlune, umiak-torviojungnarpok Schandaume, Saksôniab Suissinganê-tome, kôkporlo tagvangat nunatsiattigut, perorviotsiatu-tigut, igluasaksoattigullo Dresdenekut, Magdeburgekul-lo, Hamburgekullo. Tagvangat Mailititut sittamatitut

silliktigivok. Mailititut 72 gittitut kôkârmilune, Kuks-haveneme pâkarpok Germâniab imarbinganut. Tâpso-male ullersoanganut tinnersoanganullo, umiaksuit anginerpât ikkajortauvut Hamburg tikkilugo.

4. Oder puailavekarpok maggungnik, iglugasait. Kozlaumik attigit kannitangane, kakkat Sudêtit aksang-ajângine sekkinerdlirme. Austriab nunangane sulle angijorortitauvok kôngnut Oppamut Olsamullo. Tag-vangalle Prussiab nunangittigut kôkpok, pâminut tikkilune. Pâkarviovok kôngnut sennerkitinut saumianit: Neissemut, Glazemit, Katzbachemut, Neissemut kokortu-jomut, Bôberemut, Kvaisemut, Neissemullo Lausitzemit, saumianillo: Bartschemut, Netzemut Wârtemullo. Kôk-soak Oder nunatigut akpasiktutigut kôluarpok, iglugasak-soatigut Breslaukut, Glogaukut, Frankfurtekut, Stetînib-lo tachâne pâkarpok imarbingmut Baltiamut.

5. Main kôkpok Germâniamê kangerdlirme, unangat paunga. Pigiarvekarpok kôngnik maggungnik, Mainemik kakkortamik, Mainemiglo aupaluktamik.

Pâkarviovok sennerkitinut Rednitzemut saumianit, tallerpianillo Pegnitzemullo, Wiesentemullo. Pâkarporlo Rheinemut Frankfûrtib kanitangane.

## § 48.

### Attaniovik Germânia.

Itsaksoanit, Jâre 400 Kristusib kingorngane tikkilugo, innukalaukpok Germâninik, nunane Germâniamik taijaujune sulle mâna. Tâpkoa Gudeungitunik kivgartortotillugit sulle, angijomik okautigijauvalaukput nellagôrningit, ikliguktailiningillo pivlugit. Illusitsiat tâpkoa perkojarilaukpait sorlo.

Jareme 375 me, innukattigênut, uivêtomaringnut, Hûninik taijaujunut, Asiamit Europamut unatariartorlauktunut, tigligiartorlauktunullo unatarviodlarmigamik, innukattigêllo unnuktut, nunagilauktamingnit mâna.



tikkilugo nûngmatta, Germânittauk nunatik Elbib kitanênut kemnakpait. Kemnaktangit nunagijaulertillugit innukattigênut Slâvinik taijaujunut, Germânit attanioviksoarmiut Romeniut salagivait, nunagilauktangillo unnuktokasait nunagivait, kôksûb Rheinib kannitangane, Italiame, Spaniame, Englandemelo. Attaniovingat anginerpaulaukpok, Jârib 800 tib kannitangane, attanekartillugit Karlemik, Karlersoarmik taijauvalauktomik.

Tâpsoma attaniovine pingasôlivlugo avikpâ, erngutaminut pingasunut kingormgutigijautilugo, Jâreme 843 me. Angajuklek Lôtar, attanersoangotitaujub, Italia, Alpillu nunangit, Germâniab imarbinga tikkilugo pivait. Karliblo pivait, nunat kangianênut, tagva Fransit nunangat. Nukardlek Ludwig, Germâniab nunangit pivait. Attanioviglo tâmna, nertornarnerpauvlunelo anginerpângorpok.

Taimailingatsainalaungilarle Jârine 1200 tibkingordlingine, pitsartuninga assiotitauvallialaukpok, attanersuit pikaringininginut attanerutsillo nellagôngininginut; aglât nunangit illangertauvut, piluartomik Fransinut, Swedene-miunullo, unatarniub Jârit 30 git navlugit, (1618 mit 1648 mut) pijokalauktub kingorngane. Napoleonib Isib Austriamiut unatarvigilerpait, salagilugillo, attanearsunik Germâniamiunik illakarlune. Jâreme 1806 me attaniovik Germânia nungusimanerarpâ, attaningillo ingmigôlinganerpait. Mikkijuniglo nunakartut, illaliutipait anginersanut, illûnainiglo sapputtijjemik ingminik taivok.

Jârine 1813 mit 1815 tikkilugo Napoleon sâlagijaumaringmat, attaniojungnaertitaungmallo, attaniovik Germânia nutâmik âkiksortaungilak, attanîlle, attaniar-suillo, aulatsijullo nunakattigêngnik, 33 git angerkattigêkput, nalegomagamik perkojanik, âkiksorkattigêniartamingnik (Bundesakta) ikkajortigêgomagamiglo, nelliat unatarviokpat, unatartokartuksaungimallo issumaminik, Austriale malliktauluartuksaungmat. Illinganek tamanna serkomitautainarlaukpok 1866 me, Austriamiut unatarmatta Prussinut, sâlagijaungmattalo tâpkonunga. Taimangat Prussia aulatsilaukpok Germâniamik



tachardlermik, Jâre 1871 tikkilugo. Jâreme tâpsomane pijokalaungmat imâk: Fransit, idluigosutsainartut Germâniamiunik, unatarput tapkonunga 1870 me, 1871 gemelo; tagva unatarvigijangit sâlakarmarikput, illagêk-lutiglo Prussit attaningat annerivat, attanersoangokov-lugo Germâniamme. Taimangat attanioviksoak nutaungitok nutangortitaumavok, pitsartuluarlune pilauktomit. Austriale illingajungnaerpok tâpsomunga, attanioviovorle ingmigôlingajomik.

## § 49.

### Germâniab nunangit

kattilugit Mailititut □ 39,268 gittitut angitigijôvut, innukarpullo 42 Millionenit unnunersanik. Attanersoak Wilhelm I. attaniogivok Germâniab nunangita anginerpângane

### Prussiamme.

Attaniovik tâmna (Lauenburg illagilugo), Mailititut □ 25,300 tititut angitigijôvok, innukarlune 24,700,000 tinik. Tâpkonangat 16 Millionenit unnunersat Protestanteovut, 8 Millionenit unnunersat Katolikeovut, 325,565 gillo Judeovut. Unnunersat innôgutiksarsijutik-sakarpud perorsênernmik kakkôjaksanik, omajokutekarnermiglo, unnuktullo niuviaksaliornernmik, niuvernianernmiglo, kakkangiglo — pitalingnik Silberernmik, kikkiangmik, kannujarmik, kakkorlernmik, akkitomik, sioraujanik, sabviorutiksajaniglo — ittersalliornernmik, umiaktornernmik, mingeriarniarnernmik, assinginiglo unnuktunik.

**Berlin** iglugasaksoangovut aulatsiviojunik Germâniamme, Prussiamelo, innukarpud 910,000 tinik.

Attaniovik Prussia aviktaumavok, ingmigut nuna-kartunut 14 inut, Provinzinik taijaujunut. Attingit kis-sêta inungitalo unurningit taituinarpavut.

1. Provinz **Brandenburg**, innulik 2,700,000 tinik. Iglugasaksuit aulatsiviojut: *Berlin, Potsdam, Frankfurt.*

2. Provinz **Pommeria**, innulik 1,400,000 tinik. Iglugasaksuit aulatsiviojut: *Stettin, Stralsund, Köslin*.

3. Provinz **Prussia**, innulik 3 Millionenik.

a. **Prussia killek**, iglugas. aulats. *Königsberg, Gumbinnen*.

b. **Prussia kangillek**, iglugas. aulats. *Danzig, Marienwerder*.

4. Provinz **Posen**, innulik 1,500,000 tinik. Iglugas. aulats. *Posen, Bromberg*.

5. Provinz **Silesia**, innulik 3,500,000 tinik. Iglugas. aulats. *Breslau, Liegnitz, Oppeln*.

6. Provinz **Saksônia**, innulik 2 Millionenik. Iglugas. aulats. *Magdeburg, Merseburg, Erfurt*.

7. Provinz **Westfalia**, innulik 1,750,000 tinik. Iglugas. aulats. *Minden, Münster, Arensberg*.

8. Provinz **Rhein**, innulik 3,500,000 tinik. Iglugas. aulats. *Düsseldorf, Köln, Koblenz, Aachen, Trier*.

9. Nunâk **Hohenzollern**, innulik 67,000 tinik Katolike-înaukasaktunik, attanekalaukpuk ingmigut, Jâremele 1850 geme Prussit attaningata pissiarilaukpait, sivorlingita nunagilaungmattigik. Iglugasaksoâk *Hechingen, Sigmaringenelo* pijariakikasakpûk. Igloksoak, attaniub sivorlingita innôlervigilauktangat ка́ккаме́пок, angmalokasaktome (nuasorname), avaluksoalorsimajome unatarvingnik.

10. Kôb Jâdib pângane, nuname Oldenburgeme Prussia umiakovekarpok Manugâkotimingnut illingajomik. Sikjangit unatarvingnik talluliorsimavut, songojunik. Taijauvok **Wilhelmshavenemik**.

11. Provinz **Lauenburg**, innulik 51,000 tinik. Iglugas. aulats. *Ratzeburg*.

12. Provinz **Sleswik-Holstein**, innulik 1 Millionenikasak.

a. *Holstein*, innulik 578,000 tinik. Iglugas. aulats. *Glückstadt*.

b. *Sleswik*, innulît 406,000 tinik. Iglugas. aulats. *Sleswik*.

13. Provinz **Hannover**, sivorngane attaniovilaukpok, ingmigut attanekartomik, innukarpok 2 Millionenik. Ingmigôlingajunut (Landdrosteiennut) 6 innut aviktaumavok. Attingit imaiput:

1. *Hanover*, iglugasaksuit aulatsiviolauktut attaniovilauktomik.

2. *Hildesheim*. 3. *Lüneburg*. 4. *Stade*.

5. *Osnabrück*. 6. *Aurich*, ubvalo *Ostfriesland*.

14. Provinz **Hessen - Nassau**, innulik 1,400,000 tinik. Iglugasaksuit aulatsiviojûk:

- a. *Kassel*. Tapkoa kannitanganêpok *Wilhelmshöhe*, Napoleonib III ib aulavikititauvigilauktanga 1870 me 1871 melo.
- b. *Wiesbaden*. Puailavilik immermik onartomik, atsuilinartomiglo.
- c. *Frankfurt*. Kôksûb Mainib senneragingne tammangne. Itsane niakosertauviolaukput attanersoanik.

## § 50.

### Nunat Saksônia Thüringialo

nangminermingnik attanekaralloarput, sorsuktuksalle pivlugit aulatauvut Germâniab attanersoanganut, perkojangojullo Germâniamme unuktokasait mallijariakarivait.

1. **Attaniovik Saksônia**, innulik 2,500,000 tinik, Protestanteînaukasaktunik, attanerle illangillo Katolikeovut.

Nuna sittamaulivlugo ingmigôlingatitauvok.

- a. *Dresden*, kôksûb Elbib senneragingne tammangne, ânanaudlartunik iglugasaksoangovut, aulatsiviolutiglo attaniovvingmiglo ingmigôlinganermiglo Dresdemik. Innulît 177,000 tinik.
- b. *Leipzig*, innulît 107,000 tinik. Kannitangine Napoleon I salagijaumarilaukpok Octoberme 16 me, 18 melo 1813 me.
- c. *Zwickau*, innulît 25,000 tinik. Kannitangine nagvârtaujokarpok sabviorutiksajanik unnuktunik.
- d. *Bautzen*, innulît 13,000 tinik, *Zittau* 16,000 tinik. Iglugasaksuit tâpkoa akkorngângnêput, kerkanekasak iglugasaksuit illagêllo *Herrnhut*, sennajautainarlauktut Jareme 1722 me, aularlauktunut nunamingnit *Bohemiamit*, *Moraviamillo*, iglotik perkutitiglo kemmaklugit, okpernek Jesusemuînak pivlugo. Iglugasaksuit tâpkoa, 1000 tinik innukartut, angijôngilat, innungille tunitsiviomavut timib tarniblo pinginik anginersamik, pigilauktanginit nunagikarlauktamingne.



*Bertelsdorf*, iglugasait kattangutigêt aulatsi-jingita, ajokertuijoksoangitalo iglokarvigijangat kanniktoarsôvok Herrnhutemut.

2. **Saksônia-Weimar**, innulik 283,000 tinik Prôtestantei-naukasaktunik.

3. **Saksônia-Kobûrg-Gôta**, innulik 169,000 tinik Protestantinik.

4. **Saksônia-Mainingen**, innulik 180,000 tinik Protestantinik.

5. **Saksônia-Altenburg**, innulik 142,000 tinik Protestantinik.

6. **Reussit nunangit**. Angajukliub nunangit innukarput 45,000 tinik, iglugasaksuit *Greiz* aulatsiviovut. Nukardliub nunangit innukarput 88,000 tinik. Tagvane iglugasaksuit *Sleiz* aulatsiviovut. Ingmigôlingajungnik attaniviarsôgivûk:

7. **Swarzburg - Sondershausen, Swarzburg - Rudelstadtelo**, kattilugik innukarpûk 143,000 tinik Protestantik.

## § 51.

**Germâniab nunangit tachardlît kangianeonersaglo.**

1. Attanioviansuk **Anhalt**, innulik 197,000 tinik Protestantinik. Iglugasaksuit *Dessau*, aulatsiviojut innukarput 17,000 tinik.

2. Attanioviansuk **Braunschweig** innukarpok 303,000 tinik, Protestantinik. Iglugasaksuit aulatsiviojut *Braunschweig*, innulît 51,000 tinik.

3. Attanioviansuk **Oldenburg** innukarpok 316,000 tinik, Protestanteinaungitunik, pingasôlivlugit pingajungit Katolikeovut. Iglugasaksuit aulatsiviojut, *Oldenburgemiktau*k attekartut, innukarput 14,000 tinik.

4. Angajokâksoakarvik **Lippe Detmold**.

5. **Lippe Schauenburgelo**, kattilugik innukarpûk 144,000 tinik, Protestanteojunik.

6. Angajokâksoakarvik **Waldek** innukarpok 57,000 tinik, Protestanteojunik.

7. Attanioviansûk **a. Meklenburg-Schwerin** innukarpok 561,000 tinik Protestantinik. **b. Meklenburg - Strelitzelo** 110,000 tinik Protestantiniktauκ.

8. Iglugasaksuit ingminik attaniotijut:

*Hamburg, Lübek, Bremen*, kattilugit taijaugivut *Hansamik*, imaiпок: niuverviodlartunik.

Iglugasaksuit Hamburg, okautigijaujarêrtut (§ 47, 3) anginerpângojomik niuverviovut Germâniame. Iglugasait tâpkonunga illingajut illagilugit innukarput 308,000 tinik Protestanteojunik. Umiaksoakutekarput imarbik-siutenik 500 tinit unnunersanik.

Lübek, innulît 49,000 tinik, Bremenelo 110,000 tinik angijomiktauκ niuverviodlarput.

## § 52.

### Germâniab nunangit sekkinerdlît.

I. Attaniovik Bavaria, Mailititut □ 5352 gittitut angitigivok 5 Millioneokasaktunik innulît. Katolikit unnunersauvut ( $\frac{2}{3}$ ) Protestantinit ( $\frac{1}{3}$ ). Bavariamiut sullijaksakaluarput perorsênermik kakkojaksanik, paungâlungniglo, Weinemiglo, Hopsiniglo (Bieraksanik). Omajokutekarpullo unnuktunik. Nunalo ittersalliorlugo, nagvârviodlarpok sabviorutiksajanik, kikkiangmiglo, Silbermiglo. Pikaringnerlo, sullijaksanik pijariakortujunik, illisimanerillo, pairijaudlarput angijomik tâpkonane, piluartomik iglugasaksoane aulatsivigijangine.

**Münchenemik** attelingne, innulingne 171,000 tinik. Tâpkoa senniane taituinarpavut sulle iglugasaksuit

**Regensburg**, innulît 30,000 tinik.

**Augsburg**, innulît 50,000 tinik, pijokarviojut pijariakortujunik unnuktunik okpernermut illingajunik Lutherusib nelliuningane, sivornganelo kingornganelo.

**Nürnberg**, innulît 72,000 tinik, niuviaksaliorvioluarput, pingoaniglo, pijariakortujuniglo.

II. Attaniovik Württemberg. Mailititut 1416 ittitut angitigijok innukarpok 1,800,000 tinik. Protestantit

unnunersauvut ( $\frac{2}{3}$ ), Katolikinit ( $\frac{1}{3}$ ). Innôgutiksarsinek pitjutigallugo, Würtembergemiut illingakasakput Bavariamiutitut, omariluarpulle.

Attaniovik sittamaulivlugo ingmigolingatitauvok.

1. **Stuttgart**, iglugasaksuit aulatsiviojut attaniovingmik ingmigôlinganermiglo, innukarput 92,000 tinik. Niuviaksaliorviovut angijomik.

2. **Reutlingen**, innulît 15,000 tinik.

3. **Ulm**, innulît 25,000 tinik. Unatarvît talluliorsimajut songojomik.

4. **Elwangen**, Gmünd, Hall, assingillo iglugasaksoarivait.

III. Attanioviansuk Baden, innukarpok 1,500,000 tinik. Katolikit unnunersauvut ( $\frac{2}{3}$ ), Protestantinit ( $\frac{1}{3}$ ).

**Karlsruhe**, iglugasaksuit aulatsiviojut innukarput 30,000 tinik.

**Rastadt** unatarviovut talluliorsimajunik.

**Konstanzeme**, Johann Huss ikkomamut tokkotaumalunelo nungutaumalaukpok. Jâreme 1415 me.

IV. Angajokâksoakarvik Lichtenstein, innukarpok 9000 tinik Katolikinik.

V. Attanioviansuk Hessen, innulik 823,000 tinik. Protestantit unnunersauvut ( $\frac{3}{4}$ ), Katolikinit ( $\frac{1}{4}$ ). Iglugasaksuit aulatsiviojut

**Darmstadt**, innukarput 36,000 tinik.

**Mainz**, iglugasaksuit angijomik avaluksoaliorsimajut unatarvingnik, innukarput 50,000 tinik.

## § 53.

### Attaniovik Austria,

illagêktitaumavok attaniovingnut attanioviansungnullo 18 inut. Mâna taijauluarpok: „Austria Ungariamik“. Nunangit kattilugit Mailititut □ 45,200 tititut angitigijôvut, innukarpullo 35,500,000 tinik, tâpkonangat 4 Mil-



lionit Protestanteovut, 30 Millionillo Katolikeovut, Judit 730,000 teovut, Zigeunerillo 94,000 teovut. Sunatuinar-maringnik innukarpok. Nunangit Germâniambut illingauluktut attingit imaiput: 1. Attanioviansuk Austria akpasiktok. 2. Austria tipvasiktok. 3. Attaniovik Bohemia. Attanioviansuit 4. Salzburg. 5. Moravia. 6. Silesia. 7. Steiermark. 8. Kärnten. 9. Krain. 10. Tirol. 11. Görz, Istria, Triestelo.

Nunat tâpkoa kattilugit innukartut 13,200,000 tinik, Germâniambut avitaulaukput Jareme 1866 me, mânnalo attaniovit 12. Galizia, 13. Bukovina, 14. Dalmatia illa-gilugit, taijautuinarput: Austriamik kangillermik, kôksûb Leitab kangianêngmatta. Nunallo Austria-Ungariambut illingajut, kôksûb Leitab kitanêttut, taijautillugit Austria-Ungariamik killermik. Attingit imaiput: 15. Attaniovik Ungaria. 16. Kroatia Slavonialo. 17. Sorsuktuksakar-vik. 18. Siebenbürgialo. Tamakkoa okautigijaumavut § 42 me, 1. 2. 3 lo.

**Wien** iglugasaksoangojut, aulatsiviojunik attaniovik-soarmik, innukarput 700,000 tinik, ânanaudlarmarikput.

## § 54.

### Nunat Germâniab sillalingit.

**Suisse, Belgia, Holland, Luksemburg, Dênemark.**

Nunat tellimat tâpkoa, „Germâniab sillalinginik“ taijauvut, illunakasatik kakkanullonêt, imarbingmullonêt Germâniambut ingmigôlingatitaungmatta, illunakasatiglo attaniovitokarmut Germâniangokârlauktomut illingalaungmatta.

1. Suisse, Germâniab, Fransiablo, Italiablo ak-kornganêtok, kakkakortunerpauvok Europame. Illangitannuvungit apputekainarput, Jâre navlugo.

Suisse, Mailitut □ 3008 tititut angitigijok, innukarpok 2,600,000 tinik. Protestantit unnunersauvut Katolikinit. Nuna aviktauvok 25 ginut ingmigolingajunut, Kantôninik tajajunut. Tâpkoa Republikeôlutik nangminermingnik aulatsigalloarlutik (§ 11), iglugasaksuit

**Bern**, innulît 34,000 tinik, Kantôninik illûnainik aulatsiviôvut, illûnainullo illingavut.

2. Attaniovik Belgia, Mailitut □ 2144 gittitut angitigijok, innukarpok 5 Millionenik Katolikinik. Immungit akluidlarpuk, nunalo nunatsiangovok akluidlartomik; nagvârvioldlarpok sabiorutiksajanik, kikkiangnik, kannujarmik, Silberemiglo, sunatuinarniglo sennajaujokarpok tagvane piluartermiktav sennasûtinik, agganullo kôngnullo, pujormullo aulataujunik.

**Brüssel**, iglugasaksuit aulatsiviojut, sennavioldlarpuk nuilakpaujanik pivianartoksôjunik, assinginiglo unnuktunik innulît 190,000 tinik.

**Antwerpen**, innulît 124,000 tinik, angijomik niuerviolarpuk umiaksoakut.

Belgia unatarvekarpu talluliorsimajunik unnuktunik, piluartermik kangiane, Fransiab kiglilervingata kanniktangane.

3. Attaniovik Holland. Mailitut □ 2376 gittitut angitigijok innukarpok 3,600,000 tinik, kerkagutuinangitok Protestanteojunik, Katolikit ikkinersauvut. Hollandemiut (Dutshit) itsane pitsartunerpaulauput imarbingme, mânnalo sulle pitsartudlarpuk, nunakarlutiglo imarbiub akkiane, Indiab imarbingane, Afrikame, Westindiamelo.

**Amsterdam**, iglugasaksuit aulatsiviojut, sennajaumavut, kejut nunamut, machainakasaujomut morjuktitaumajut kângine; iglugasaksoattigullo umiaktervekarpu (Kanâlinik), innungnut sennamajunik unnuktunik. Angijomik niuerviovut umiaksoakut, niuviaksaliorviolutiglo. Innungit 268,000teovut.

**Haag**, iglugasaksuit attaniub iglokarvigijangit (innovigijangit), ânanaudlartomik sennamatsiarpu, innulît 89,000 tinik.



Iglugasaksuit **Rotterdam, Utrecht, Zeist, Arnheim, Nimwegen**, assingillo unnuktut pijariakortugivut.

4. Attanioviansuk Luksemburg, Mailititut ☐ 184titut angitigivok, innukarporlo 206,000 tinik Katolikinik. Ingmigôlingamarigalloarpok, taimangat Jâremit 1866 gemit, unataromanermigle issumakarkojaungimarikpok, issumakarvionianginermiglo illunainut sorairane, angerviovok. Unatarvingit perorsêvingortitaumavut, pissugvingortitaumalutiglonêt.

### 5. Attaniovik Dênemark.

Nunamariub illainârsua attaniovvingmut tamattomunga illingavok (Jütland); tâмна, kikkertallo imarbiub Baltiab pânganêtit illagilugit, Dênemarkemik taijauvut. Mailititut ☐ 2772 ittitut angitigivut, innukarpullo 1,608,000 tinik.

Nunallo apsimajut, kikkertat: **Faröer, Island, Grêndelo**, kattilugit innukarput 1,720,000 tinik Protestanteojunik, Dênemarkemiutitut.

a. Jütlandeme aulatsivikarpok sittamanik. **Aalborg** (innulik 11,000 tinik), **Aarhus** (innulik 12,000 tinik), **Viborg, Ribbelo**.

b. Kikkertat attingit imaiput: **Laaland, Fünen, Seeland**. Iglugasaksuit aulatsiviojut **Kopenhagen**, innukarput 157,000 tinik. Avaluliorsimavut unatarvingnik, niuerviodlarivulletauk angijomik. Manugângillo (Man of waringillo) umiakovitsiakarput tagvane. Niuerviodlarivut iglugasaksuit **Helsingör, Kronenburgelo** avaluksoaliorsimavut unatarvingnik.

Kikkertat Faröe (imaipok: kunigoktalît), Jütlandib kangianêput, tachâne, Shetlandib kikkertangita (§ 44, 2), Islandiblo akkorngangne kerkanêkasakput. Innukarput 9000 tinik, innôgutiksarsijutiksakartunik mingeriarniarnermiglo, tingmianiarnermiglo.

Kikkertak Island, Grenlandemit (§ 36, 8). Mailititut 108 titutuinak kanningitigijok. Mailititut ☐ 1800 tititut angitigijôvok. Kakkakarpok unnuktunik, illangit



ikkomamik annitsilutik, pervalungnekarput illumingne angijoksoarmik, piluartomik каккâk: Hekla, Krablalo, assingillo. Kikkertak puailavekarpok unnuktunik, tamnarnerpâk какkamêpok Gaiseremik attelingme, tagvane immersoak ônadlartok kongmuartitaungmat, ittigaktitut 60 gititut (Jârdetut 20 getut) poktutigijomik. Kikkertak napartokangimarikpok, innungit 60,000 it, nergjutekutekarput unnuktunik, tuktuvangnik, piluarmigle saukanik, nerkiksakaluarpulle mingerianik immungmiglo, nerkârasait aipainginiglo. Itsane napârtut perutsialaukput, tâpkoale nipamarikput mânna, innungille perorsêvut sulle Kartoffelinik, nakkatannaniglo, makpatâluniglo; ikkomaksakarpullo nunajamik, orksorûmiglo sabviorutiksajaniglo, tagvane nagvârtaujunik mânna.

Iglugasaksuit **Raikiavik**, anginerpât Islandeme, innukarput 1350 ginik.







